

D. D.

APHORISMI MISCELLANEI

AD

I D E A M
E R U D I T I
P E R T I N E N T I A
T R A C T A N T E S ,
Q U O S

Permittente Ampliss. FAC. PHIL: Reg. Acad. Aboensis
Censuræ publicæ submittunt

S I G F R I D U S
P O R T H A N

PHILOS. MAG. & HISTOR. LITT. DOCENS,

ET

C A R O L U S G U S T A V U S W E M A N

W I B U R G E N S I S ,

DIE 16. M A R T II A N N I M D C C L X V .

L. H. Q. A. M. C.

A B O Æ ,

Impressit JOH. CHRISTOPH. FRENCKELL.

Hoc primum Philosophia promittit,
sensem communem.

Seneca, Ep. V.

Nemo difficulter ad naturam reducitur,
nisi qui ab illa discedit.

Idem, Epist. L.

PRÆFATIO.

Ihil heic novi Benevole Lector exspectabis. Cum tam diu jam eruditionem plurimi in locis & alio atque alio temporis intervallo excultam noverimus, cumque, ubiunque aliquantum morata fuit, satis ansa data sit origines, progressus & decrementa ejus, eorundemque varias caussas atque affectiones rimandi, tam utilitates quam abusus detegendi, mirandum sane esset, si vel aliquo adhuc modo in ignorantia versaretur cultior orbis, quid eruditio, aut quis sit Eruditus? Tum separatim, tum conjunctim cum aliis & diversa ad eadem relatione, affatim hoc argumentum pertractatum est, nec alia nos proferimus, quam quibus dudum Eruditorum plena fure volumina; observationes euicunque, ex quo vel paululum cogitare ac meditari inceperit, confessim atque facilime perspiciendas. Si cui volupe fuerit, objiciat igitur nobis, & haud refragantibus, illud Catonis: "Stulte quis negavit." Nihil profectio dicet, de quo dudum non fuerimus plene persuasi. Nimis, porro, foret prolixa tractatio, sublimioraque sunt argumenta quamplurima, quam ut omnia que Idea Eruditii complectitur, vel in transitu tangere, nedum exhaustire potuerimus. Animi caussa & virium quas tenues novimus exercitationem querentes atque periculum facturi, otio dato & promiscue tantum, sicut inscriptio quoque opellæ indigit, congesimus veritates quasdam vulgo agnitas; quarum potissimum meminisse potuimus, aut de quibus hic illucve aliquid notatu dignum in scriptis virorum ab eruditione & perspicacia commendatorum invenimus; occasiones suppeditaturi, quibus ipse quis longius progredi poterit, variarumque rerum notiones sparsim proponere annixuri, ex quibus ceu minutioribus articulis catenam rite cohærentem & serie atque ordine debitissimis disposita ratiocinia formare, maturiorum erit ingeñorum gloria. Occurrent ob argumentorum quandam co-

gnationem aliquoties talia, quæ ante jam in Dissertatione "de mediis restaurandæ barbariei" diximus, sed quæ hic tamen repeteret aut paulo iverius illustrare haud ab re esse duximus. Cœterum veritatum vulgo notarum eam esse in genere tantum non omnium naturam, nemo ignorat, ut licet cito ac præter operosum laborem detegantur facilesque intellectu sint, nunquam de iisdem sedula tamen nimis evadat recordatio, vel crebriores quam opus est meditationes instituantur; quod, ubi sermo de eruditione est, cum de ipsis Eruditis valet tum de quibusvis aliis, aliter atque aliter sententiam de illis dicentibus. Ubi fortassis eadem eademque dicta sœpius una vice repeti a nobis videbuntur, meminerit Ben. Lector, minus nos de oblectando quam de utiliter inserviendo esse sollicitos, cum utrumque insimul præstare non valeamus. Sed & quemlibet præterea, qui ipse meditationis subinde fecit periculum, neutiquam fugiet, eandem veritatem pro fundamento substerni, vel convenientiæ ac mutui nexus ergo illustrationi adhiberi posse, innumeris in rerum cogitandarum materiis, quantumcunque sœpissime diversæ primo intuitu apparent. Denique si etiam opusculum hocce, quatenus exercitium solummodo Academicum est, prolixius ac par erat factum esse alicui videretur, ingenue culpam fatebimur, veniam & benignam Lectoris interpretationem exorantes neminique controversiam movere gestientes, ad nos referre cupienti Pascalis illud: "multa scripsit, quia pauca scribendi otio carebat, vel forte detrectabatur laborem."

APHORISMUS I.

Non illas semper cum vocabulis notiones, sive cum terminis ut ajunt ideas conjungimus, quas genuina vocum postulat significatio; cuius proinde ex mala in bonam atque vicissim mutationes, haud raræ hinc extitere. Sic in vernacula nostra Skulif /

Skald / Hsverdådig / Högsint, meliores quoque suos
 nec ingratos habent significatus, ut e contra pium,
 patientem & mansuetum vocari, sæpius in oppro-
 brio habetur. Pertinent quodammodo huc illa quæ de va-
 rii generis titulorum denominationumque in variis lin-
 gvis ac apud varias gentes fatis, Historia præeunte a mul-
 tis notata sunt. Nobis Eruditæ appellatio ob oculos ver-
 satur, cujus aliis tam gratus est sonus, ut cum vitæ va-
 letudinisque dispendio hoc nomine honorari allaborent;
 alii quot eos eruditionis mactaveris encomiis, totidem
 se conviciis peti putantes, vehementer indignabuntur:
 Nec facile dictu videtur, utriusne partis major stultitia
 sit. Multis Eruditæ non solum in contemtu sunt, sed &
 odio habentur, tanquam homines quos arrogantes atque
 intolerabiles plane de singulari quadam præ aliis omni-
 bus excellentia sua opiniones fovere existimant; in ipsa
 voce quoque exprobationem cæteris mortalibus factam
 latere suspicantes. Varias videlicet multasque exprobra-
 tiones propria sibi culpa Eruditos contraxisse, diffi-
 culter & incassum negare quis præsumeret. Sponte con-
 cedant necessum est, qui a partium studio alienos se præ-
 stare cupiunt, communiter inter Eruditum & hominem
 morum Pædagogicorum, haud majus ac inter urbanum
 politumve & id bipedium genus (nomine forsan licet ne-
 quicquam ipsa re Latio ignotum) quod Petit-Maitres
 nostro ævo vocatur, discrimin interesse; i. e. aut nul-
 lum aut utplurimum vix sensibile. Quod adhuc illu-
 scet clarius, si in ferendo judicio non oculis solum atque
 externo ex apparatu rem metiaris, sed pedantismum sub
 holoserica veste non infelicius gliscentem, quam urbani-
 tatis & culturæ ridiculam quamvis affectionem sub pan-
 no villoso adsutisque manicæ centunculis se prodentem,
 probe dignoscas.

APHOR. II.

Natura hominibus inditum est ardens quoddam atque vehemens sciendi desiderium , nec ullius facile rei ignorantiam pari ac notitiam honore habemus. Hoc apud illos quibus initio vel solitudinis amor , vel vitæ generis constitutio & indeoles , fecesum e strepitu populi commendaverant , prima jecisse ejus rei fundamenta certum ducimus , atque elementa produxisse , quam nunc eruditionem salutant ; protraxisse sensim e latebris suis Philosophos inserviendi cupidinem , ambitionem & aliorum curiositatem . Liberales se primum novis hospitibus reliqui homines præstiterunt ; brevi post autem , quid reciperent ipsi , circumspicere cœpere . Quæ igitur ardenter modo fuerat amicitia , paulatim in frigus , odia & inimicitias ita conversa est . Divortium quoque subinde quæsitum , quod vero ne fieret , perspecta mutui necessitas auxilii obstitit : inventa utrinque affatim exprobationum & calumniandi materie , adhucdum discors unio tali pacto continuatur . Multa habere solent Eruiti , quæ cæteris mortaliū objiciant , neque his vicissim aut res videntur aut verba deesse . Utraque pars , cum neutrā culpa vacare facile intelligatur , infons nihilominus & labis expers videri exoptat : Conceditur interdum , ambabus esse quærelæ rationes , sed exorta confessim quæstione , utrīne graviores majorisque momenti sint ? denuo exardescunt animi . Manebit hæc in perpetuum lis , omniq[ue] meherele qui arbitri sibi partes sumere satagit , aqua hærebit . Hactenus certe judicia sua interponere conatis , ab his quibus dicam scriperant , odia retributa sunt , ab illis sub quorum signis militaverant , ejusmodi relata gratia , quam nullius movere invidiam oportere credimus .

APHOR. III.

Num autem probabilitas adest, vel unum eorum qui eruditionem Eruditosque vituperant, ipsi sibi ignorantiam aut stupiditatem objici passurum? Nemo est qui nesciat, omnes vero cum ad rem ventum fuerit obliviscuntur, tantum non semper hunc esse controversiarum fontem atque originem, quod suspendendi ad peractum usque examen judicii molestiam magis ac par est extimescamus, nec illud quidem, quod princeps tamen momentum esse assolet, curantes, an revera tantum ac primo intuitu visum fuerat, aliorum a nostris, & vicissim, cogitata differant? Andabatarum more pugnamus & in verbis modo lis est; Sua cuique vitae ratio placet, idque frequentissime istam ob unicam caussam, quod illa jam aliquatenus ipsi perspecta sit, cæteras fere omnes ignorantis. Rite applicatum & genuino suo loco positum nihil est quod usum non præstet suisve careat deliciis, sed hanc utilitatem in rebus quas ipsas nescimus, cerne-re non possumus, unde haud injuria in proverbium Eruditi receperunt, "artem non habere osorem, nisi ignorantem"; Cujus proinde axiomatis in illa quam, nuper diximus insita sciendi cupidine ratio est. Fit ex ignorantia primo, ut quid rerum pretium sit nos fugiat, indeque porro ut negligamus easdem, contemnamus, aversemur, oderimus. Ita tamen, ut haud negandum sit, nequaquam solere, quibus sic fastidia nascuntur, solos semper in culpa esse; quin sapientissime nec levius ad animos exasperandos momentum conductit temeraria & immoda adversariæ partis jactatio invidiæ generandæ, si quidquam, aptissima. Atque hoc equidem respetu exprobrandi occasiones ipsis ab Eruditis datas concedimus (Aph. I.); sed & eodem simul intuitu id quoque subjungimus jure, quod homines quidem, sed nullatenus

aliis hominibus esse inferiores, eo se ostendant. Ut cun-
que igitur de Eruditis valeat apophagma illud Biantis:
“plurimi mali sunt”, multoque licet major idiotarum &
ineptorum numerus sit, quam dignorum nomine, in
hoc certe nihil est quod & alibi locum non obtineat, ne-
que in eo quæstio versatur, utrum plurima Eruditorum pars
quos affectant titulos haud mereantur, sed an malorum
apud eos ad bonos proportio, illam quæ apud alias es-
se consuevit, superet? Ubinam gentium is enim mos
adhuc receptus est, quod videri vocarique placet, idem
vere quoque & ipsa re esse? Hoc exspectare; non cer-
te ut in istac quam nos incolimus terra sunt, homines
imaginari est, sed quales fortassis in planetarum aliquo
reperientur. Jurisperiti e. g. & Judices, Medici, Milites,
Fœminæ denique: in his omnibus eorum numerum ma-
ximum putabimus, qui & intelligunt quæ præstanta si-
bi sunt & serio curant? Inter hos scilicet plurimos mor-
talium invenies, qui in suis & aliorum negotiis exactis-
sime jus & æquum observant? qui omnium optime sa-
nitatis regulas, intemperanter haudquaquam vivendo,
recordantur? labore molestiasque perferre sunt edocti,
factis æque ac dictis fortitudinem, & illam quidem quæ
a ferocia & temeritate longe differt, exprimunt, nec
in acie modo sed & in lecto, extremisque jam fatis pro-
ximi, mortem contemnunt? agere inhonesta quam di-
cere, vel aliis præsentibus audire, haud pejus oderunt?

APHOR. IV.

Sed eruditione corruptorum exempla adsunt? Jaco-
bus Anglorum Rex, qui librorum caussa reipublicæ cu-
ram neglexit, eoque diuturnis pariter ac tristissimis tur-
bis ansam dedit, Ferdinandus Imperator, qui in gravis-
simarum rerum deliberationibus integras pagellas ex Ot-
ficiis

3) 7 (8

ficiis Ciceronis recitare solitus erat, & nescio quot non
alii, cum noxiā esse tum ridiculam eruditionem pro-
bantes citantur. Post ea quæ Aph. præc. dicta sunt, ex-
emplis pugnare haud opus esse intelligitur, atque addu-
ctis & quæ cum iisdem conspirant totidem opponi pos-
se, fatis demonstrantia quid ad magnos in omni vitæ
genere viros formandos præmissa prudens institutio omni
ætate conduxerit, quidque hi exinde emolumenti tum
ipso sub labore ceperint, tum quomodo ad audendum
primo & præclara sectanda, aliorum qui præcesserant
successibus excitati atque ad honestam æmulationem pro-
vocati sint. Proferuntur hic tamen ejusmodi etiam sub-
inde probandi asserti documenta, ubi utrum vituperii
graviores an laudum rationes adsint, sub judice lis est.
Quibus v. c. forte annumeranda erit de qua Courbeville
(in Notis ad Gratiani Heroëm) agit memorabilis illa
successio quatuor herorum sagitorum Achillis, Alexandri,
Cæsaris & Ludovici II. di Principis Condatiensis.

APH. V.

In ejusmodi vero exemplis, quæ sicut diximus ad
inutilitatem vel etiam ad damna eruditionis probanda
jactari solent, caussæ erroris committendi variæ esse pos-
sunt. Prima occurrit summa illa quæ ubique conspicit-
tur, tam in privatis quam publicis institutis, negligen-
tia praxis ac ad vitæ communis usus applicationis, si-
mul cum ipsis scientiis addiscendæ. Sæpe in cortice so-
lum anxie nimis hæremus, in terminis, disponendi me-
thodis regulisque & subtilitatibus ejus generis, cui plus
acuminis quam solidi usus inest. In legendo curiosiores
sumus ut plurimum quam genuinæ utilitatis reportandæ
studiosi; litteras ad opificiorum instar habemus & victus
parandi tantummodo medium nobis sunt; libri optimi
in variis linguis plus lingvarum addiscendarum quam ar-
gumen-

gumentorum ergo quæ pertractant leguntur a. i. p. Quo
 tamen posterius nominato in abuso condemnando, sunt
 qui medii tenendi obliviscuntur, id v. c. indignantes
 quod in pueritia ipsis potissima cura injuncta sit lingua-
 rum; hoc enim dum memoria excellerent, judicij vero
 maturitate adhuc destituerentur, aliter haud facile po-
 tut institui. Cæterum præjudiciorum quorundam vul-
 garium hic fontem reperies; Quorum e numero est ri-
 diculum illud odium, vel contemptus potius, in quo non
 paucis sunt Auctores quos Classicos vocare sivevimus.
 Magni viri atque illustres fuerunt, qui Romæ & in Græ-
 cia olim summam imperii tenuerunt, vel admoti saltim
 negotiis civitatum curandis fuere, qui tum omnia hæc
 rerumpublicarum quibus sic præfuerunt negotia pruden-
 ter administraverunt, tum in quavis re minori eosdem
 se atque in gravioribus præstiterunt; quibus bene per-
 specta erat humanæ naturæ indoles, quique ex hac co-
 gnitione, multorum annorum experientiæ superstructa,
 genuinas hominum regendorum regulas formaverant,
 atque suorum proinde ad temporum rationes longe for-
 san sagacius quam ad nostrorum nos solemus, attendere di-
 dicerant. Hos nostro ævo, ideo solum quod Græce La-
 tineque scripta consignasse dicantur, superciliosè despi-
 cimus; qui civilius loqui cæteris volunt non aliis am-
 plius quam Academicis tantum & qui ex professo, ut ai-
 mus, in litteras incumbunt, utiles esse pronunciant.
 Quod & partim in causa est, cur haud paucis multo
 ineptiores minusque ad rem apposite adhibitæ videbun-
 tur Ferdinandi Imperatoris ex Cicerone sententiæ, quam
 in se fortassis fuere. Id vero quod heic maxime, risu-
 ne an commiseratione nescio, dignum videtur, andaba-
 tarum illa pugna est inter Scholasticos eorumque supra
 (Aph. l.) nobis memoratos Antipodes (Petit-Maitres).
 Sunt prisci ævi Scriptores, qui dum vixere non minori

certe odio Pædagogicos mores hominesque prosecuti sunt, quam vel cultissimus quivis illorum, qui nostris temporibus politi audiunt. Horum tamen jam in Pedantismi solum regionibus, & quod mireris summo cum honore, memoria conservatur; quæ alibi dudum periit oblivionique tradita est. Faciunt videlicet in hac re boni viri nostrates haud aliter ac Papicolæ, qui mere-tricum, latronum furiumque cadavera, quod martyrum eadem esse in sancta cordis simplicitate credant, summa cum devotione exosculantur. Pædagogos itaque vide-mus, qui discipulis vehementer indignantur, si obscenum aliquid in vernacula loqui ausi fuerint, dum e con-trario ut Græce Latineque multo forsan turpiora in suc-cum & sangvinem convertant, plagis præmiisque pari-ter propositis sedulo urgent. Qui flagitiis delectantur atque inhonestæ Veneri litant, utcunque Scholasticos i-magineris, apud Ovidium tamen, Martialem, Terentium, Tibullum, Catullum, Propertium &c. omnia invenient quæ polituli nostri in Gallorum Italorumve Comœdiis, Fabulis Romanensibus rel. quærunt. Quid ergo? Si Scho-lastici pro textu veteribusque militant, politi versiones imitationesque ab recentioribus confectas amant, si li-bris alii, alii per conversationes spectaculaque corru-puntur, si utrique parti tam theoretici sunt quam pra-ctici, alii quibus cum theoria praxis quoque vitiorum conjuncta est; tum certe meta omnibus eadem petitur, ut ut vias solummodo diversas ingrediantur. Vitia & scelera, licet intestina ipsis semper inter se odia & dis-sidia sint, ignorantiae tamen atque errorum ope, quibus continue se immergunt & immerguntur mortales, ad virtutis inter hos regnum evertendum istis discordiis suis non minus momentum conducunt, quam illis quæ com-muni ei consilio inferre solent bellis.

APHOR. VI.

Altera etiam erroris judiciique nimis præcipitanter lati causa hic est, sine qua fieri vix posset, ut in polito adeo cultoque quale nostrum est seculo, a tam multis adhuc eruditio contemneretur. Complurimi sunt, saltim quod plerasque scientias disciplinasque attinet, qui studia deserunt, priusquam ad maturitatem aliquam ingenii pervenerunt, eaque ætateut delicias ac lenocinia exundem nec sponte quidem oculis oblata animadverte-re, nedum ipsi quærere aut parare sibi valeant. Neque negandum est, hujus rei præter alias eam quoque rationem esse, quod methodus descendit præscribi prima-que rerum addiscendarum fundamenta ponit, non minus ampla vastaque his soleant, qui ad alia quævis vitæ ge-nera destinati, per litteras non nisi præparandi aliquatenus sunt, quam illis qui ex professo studiis consecran-tur: Ubi exiguum modo castellum delineandum erat, integræ urbis munimenta adumbrantur. Amplissimis itaque fundamentis jactis, sive absolvatur istac ratione ædificium, sive medio in opere & vix inceptum relin-quatur, par utrinque damnum redundat. Illud si acci-derit, multa in delineatione superflua erunt, desiderabun-tur alia: Et dudum inter homines mos obtinuit, omnia quæ nobis ipsis inutilia sunt, eadem & cæteris mortali-um, atque semper, talia putare. In promtu sententia est: nihil omnino ejusmodi disciplinas, nisi tricas tan-tum & leves quisquilias, cultoribus suis largiri. Nec mitius, si alterum ex positis fiat, litteras fatum inter hu-jusmodi censores manet: Quæ antea partim tantum vel certo respectu damnabatur eruditio, jam tota rejicitur. Cum enim ex solis fundamentis, ubi nihil aliud acces-serit, nulla sane utilitas redundet, quanta his tamen, si continuatus labor fuisset, superstrui potuissent ædicia, insimul obliuiscuntur. Inanibus nimirum & quæ nulli-

us sunt pretii rebus , tantum impendimus temporis & operæ , ut vel dimidia ejus pars abunde sufficeret ad ea quæ in Scholis didicimus , tumque nec solliciti fuimus nec potuimus rite adhuc intelligere , si non augenda , at in ordinem tamen redigenda maturiusque rimanda . Ubi autem officia & munera publica nacti , numero pariter ac difficultate negotiorum obruimur , nec pares nos oneri ferendo animadvertisimus , munera sic ipsa , quod inepti ad eadem simus , prætexuntur justissimamque sci- licet excusationem præbent .

APHOR. VII.

Nec dissimiliter & hæc est adversariis hallucinandi occasio , quod multi , utcunque cæteroqui prudenter & industrie legant , muneribus jam admoti adeo tamen adhuc sedulo libros terere soleant , ut debita spartæ commissæ cura negligatur . Permittitur certo respectu Jacobum quoque Angliæ Regem eodem hic atque alios modulo nostro metiri , utpote quem hac in re peccasse dubio caret ; sit etiam , quod nulla in alia vituperandus sit . Imo vero fieri potest , ut in eodem cum aliis luto & illi hæreant , quibus potissima eura non nisi Litteræ aliqui sunt injunctæ : E. g. si juventuti instituendæ præfeti sic proprii ingenii divitias augere nitantur , ut post habeatur aliorum erudiendorum negotium ; vel si Verbi Divini Ministri tam sedulo Theologicis libris invigilent , ut curandæ ecclesiæ obliviscantur . Committatur autem hic error a quocunque & cujuscunque muneris officiorumque generis homine , parum interest ; ubique damnandus est , illique a quibus committitur nihil aliud faciunt quam aværi , maximo totam per vitam labore thesauros , eo tantum fine ut defodiant , accumulantes ; Aut saltim Historico cuidam similes sunt , Annales , quibus conscribendis diutissime jam insudaverat , publici tamen juris face-

re ideo semper detrectanti, quod indies novi aliquid accideret, in opere quod moliebatur haudquaquam prætereundum.

APHOR. IX.

Multi sunt qui in delectu scientiarum & artium quas addiscere allaborant, amplectendi olim vitæ generis rationem non habent. Pone, qui Juriſconsultus futurus est, eum Metaphysicæ, Militem Philologicæ Sacrae e. s. p. navare operam; quid hoc aliud esset quam patentissimam Litteris indigne traducendis portam aperire? Si, qui ad Ministerium Ecclesiasticum destinati sunt, dum in Academiis versantur, eorum qui Mathesin, Historiam Naturalem, Oeconomiam, Medicinam &c. ipsis commendant haud bene forsitan mente percepta, principale sibi negotium in his positum esse existimarent, quæ modice quidem & post Theologiam inculcata, ut maxime ad institutum eorum pertinentem, frustranda certe laudibus suis non sunt, tum vero mirandum non esset, optimos quidem Oeconomos, sed pessimos ineptissimosque animarum pastores, ejusmodi Sacerdotes fieri. Proverbio verissime dicitur, id omnium maxime rebus rite gerendis conducere, si suum cuique officium spartaque curæ est, nemo se alienis immiscet. Quod prout circa munera recte obtinemus, ita non minus opus est, ut in artibus disciplinisque observetur; Nec aliud enim aliquid universa eruditio nisi theoria esse, hujusque singulis praxis commissa sibi vel committenda olim provincia, putanda est. Cognitio omnis quæ ad usum non deducitur, habitus qui in theoriæ praxisque connubio fundatus non est, sollicitudo atque industria quævis, in alienis nec propriis versata negotiis; hæ vero singulæ odio potius contemtuque dignæ res sunt quam honore. Qui ejusmodi autem abulibus offensi, quamvis ideo sibi eruditonem & quoslibet Eruditos promiscue fugillandi liberta-

bertatem esse permisiam autumant, pueris puellisque jure comparantur, ex nive aut centonibus pannisque larvas adornantibus & spectra, quæ præter ipsos qui fecere alius nemo extimescit.

APHOR. VIII.

Fruditum nimirum in genere dum intelligunt, vocemque in rigore & universo quasi ambitu sumunt, alter ferine ac judicant, judicare nequeunt. Scientiæ tamen ipsæ artesque multæ sunt, quæ sane compluribus non omnes sed paucæ tantum tractantur & coli solent. Qui unam alteramve disciplinam elegerat, jamque ut talis, pro solito inter homines modulo, quæ hinc fluunt officia præstare annititur, is nihilominus eo adhuc non videtur, horum ex mente, culpa vacuus. Cum enim primo quidem non in illa vel isthac arte excellens, sed communi Eruditæ vocabulo appellatur, porro & omnia ab eo postulantur, quæ ad perfecti Eruditæ characterem pertinent. Qui v. g. Elegantioribus quæ vocantur Litteris invigilat, injustus Eruditæ appellationis usurpator audit, nisi & simul Mathesin, Physicam, Oeconomiam calleat; Alteri in his versato illarum ignorantia vitio vertitur. Nomina sequitur obligatio, & dum ille simplicioribus sollertis Oeconomi exemplum præire teneri creditur, ab hoc itidem volumus ut quæ illius sunt officia præstentur.

APHOR. X.

Bonos vulgo quoslibet præsumimus solita inter mortales industria in muneribus suis versantes communissimaque erga alios officia præstare non aspernantes, nec ad exactissimum omnia rigorem, quæ latius sumta obligationis vox aliqua complectitur, exigimus. Hoc vero multum abest, ut pariter ad eruditionis Eruditorumque patrocinium valeat? Qui Logicam v. c. profitetur, nunquam ex veris positis præmissis falsam eliciisse con-

elusionem debet; Quæ tum enim, si & huic subinde condonandi errores essent, totius foret Logicæ utilitas? Oeconomiæ & Historiæ Naturalis studia colens, nisi hic auri tonnarum annuos reditus ex quovis paucissimarum ulnarum agro sibi faciat, somnia erunt omnes Oeconomorum nostrorum labores: Nulla his videlicet experientia incassum esse facta, nunquam calculos elusisse oportet casus inopinatos; deserta, unius vel alterius anni intervallo, sine etiam pecuniis omnique sumptuum perferendorum apparatu, in hortum Paradisiacum sunt immutanda. Sic & Doctrina Morum, cui bono a talibus inculcatur, qui se ipsos cum omni sua eruditione labore tamen haud immunes, sed ejusdem cum aliis hominibus naturæ esse, satis frequenter produnt? Sicut autem eruditio in genere, omnium quæ homini agenda atque intelligenda sunt scientiam theoreticam includit, ita Eruditus etiam omnia simul mereri encomia unus teneretur, quæ alibi sola & singula ad magni viri ideam abunde sufficere creduntur.

APHOR. XI.



atis jam ni fallimur, in calumniis quæ solent Literatis affungi diluendis, versati sumus; ut orthodoxiam nostram declarasse in hoc articulo & hæreseos evitasse suspicionem jure putemur. Porro & alia genuini Eruditæ vel eruditionis ad descriptionem pertinentia notabimus; Sed nonnulla tantum. Aliud enim præter Aphorismos Miscellaneos nec titulus nec præfatio opellæ pollicentur; Quod semel Ben. Leotori in memoriam revocasse sufficiat, ne bilem ei moveat, quod & ordinis dicendorum alicujus observandi parum hec simus studiosi, & ea quæ gravioris forsitan erunt momenti sicco haud raro prætereuntes pede, paucisve vix voculis indigitantes, ad digressionum modo

occasiunculas aucupandas eisdem utamur, atque in iis
 adeo quæ leviora sunt ac particularia solum quædam con-
 cernunt, diutius immoremur. Circa illas igitur primo
 ingenii dotes, quibus a natura Eruditum nostrum oportet
 esse præditum, tam Philosophi quam Oratores, illi
 quidem regularum distinctionumque farragine, hi am-
 pullatis magnificisque verbis & similitudinibus, admodum
 multa garrire solent, quæ magnopere verereris ut ipsi
 & que perspicue intelligent, ac aliis eadem docere polli-
 centur. Innuinera quæstiones sunt, nescio de qua non
 re, maximam partem valde intricatae, simulac valde o-
 tiosæ. Quæ quidem omnes & absolute damnandæ nimis-
 que præcipitanter demetis & tricis annumerandæ non
 erunt, modo prudenter tractentur & animo ad occur-
 rentia quævis arctorum intellectus nostri limitum indicia
 eodem ac alias quasvis novas inventiones loco honore-
 que habenda parato; sed & haud amamus tamen, fate-
 mur, has quorundam sapientum nimis accurate forsitan
 elaboratas, quæ intimos quoscunque cordis atque animæ
 humanæ recessus in tabula depictos sistent, utrumne
 descriptiones dicemus an omnino delineationes topogra-
 phicas? Cæterum licet ex multis quæ recenseri solent
 ingenii dotibus, hæc vel illa reliquis apud singulos ho-
 mines prævaleat, quam prædominantem vocare sveve-
 runt, atque revera distinctæ quodammodo facultates i-
 stæ inter se sint, hæc nihilo secius differentia difficillime
 explicari potest, isque omnium mutuus nexus & unio
 est, ut absque se invicem subsistere minime valeant. In
 Eruditii attributis considerandis, ad suum quisque captum
 atque placita rem exigit, & ad unum solummodo vel
 alterum requisitum haud raro ita sedulo attendimus, ut
 aliud quippiam, nec minus tamen, ac vel hoc, utile &
 necessarium, vel rejiciamus vel negligentius saltim quam
 par est curemus. Memoriæ & ingenii vel festivitati vel
 subtilitati vel profunditati (Minne, Qwickhet, Spitsfundighet,
 Diup.

Diupsimnighet) sui cuique immodici laudum præcones sunt. Omnibus, ut diximus, opus esse, promiscuam has do-tes sibi operam dare debere, veramque eruditionem in maturitate quadam, prudenti singularum usu compara-ta, consistere clarum est.

APHOR. XII.

Memoria cum Erudito tum cuivis homini alii summe necessaria res est, quam ideo solam ad eruditionem suf-ficere vulgus credit; quippe quod opinione tantum re-gitur; omnia ut sensibus externis apparent, sic reapse quoque esse sibi persuadens. Prout vero heic id quidem acriori censura notari non debet, cujus conditio accura-ta semper examina non permittit, ita illi e contrario magis culpandi sunt, qui perspicaciores videri cupientes, vel contumeliose prorlus de istac animæ facultate verba faciunt, vel ut exiguae saltim utilitatis eandem traducunt. Omnis namque facile perspicit, qui quid inter inutilia & ea quæ opus sunt discriminis intersit novit, quam fculnis illa sententia fundamentis superstruatur. Adoptata videlicet aliquando opinio est, unde vero primum profluxerit nescio, judicium cum memoria non consistere. Quod tamen auxiliatur eidem potius, unius cum altera-re vel similitudinem vel dissimilitudinem ostendens, unde singulas retinendi facultas enascitur; Sicut in judi-cando vicissim præstantissima est memoriarum opera, dum ab his ad illas nos ideas deducit, atque ita plures ex-aminati libertatem dat, quarum peracta comparatione, optimam sibi visam judicium elitit. Nam & ipsa vox judicij delectum importat, qui certe, nisi pluribus inter quæ instituatur simul præsentibus, esse nequit. Paucis-sima porro sunt quæ ipsi invenimus, sed nosse oportet, nec semel iterumque sed saepius nosse & semper ubi negotii hoc indoles exigit (quod recordari est), quid a-

liis de re videatur, quid ante nos jam sit detectum quidque nobis inde auxiliū redundare possit? A nobis met ipsis itidem argumento aliquo pertractato, memoriae adscribendum est, quod quæ semel examinata sunt sæpius in pristinum revocare dubium necesse non sit. Hoc tempore magis quam illo idonei ad examen instituendum cum simus, antea lati memores judicij, novo minusque proficuo labore supersedemus; multa vidimus, multa experti sumus, quorum nunquam forte posthaec nobis occasiones se offerent a. i. p. Universa denique eruditio & quælibet in specie scientia mancæ tantum atque imperfectæ sunt, nisi diversa carundem diversis temporibus fata, primæ origines ulteriorumque postea profectuum indoles & caussæ ex Historia simul notæ sint. De rei publicæ, ecclesiæ &c. statu judicare velle, ubi alia quoque tempora cum suis vicissitudinibus perspecta non fuerint, quæ cum nostris comparemus, cæcorum ad instar in tenebris oberrare est. Illustrationes rei intelligenda necessarias quasi sponte obventuras exspectare, nisi ansa & adminicula quærendarum earundem, fontesque unde hauriendæ sunt, sciantur, se ipsum est fallere; si ne memoria cogitare, idem est, ac absque securi ligna cædere. Neque tamen ferire securim sine manu qua dirigatur, aut sola memoria homines absque judicio intelligentes reddi, sanus unquam dixerat.

APHOR. XIII.

Quæ cum tam simplex tamque clara veritas sit, mirari jure posses, qui fiat, adeo male tamen ut plurimum eandem intelligi. Sane ex hujusmodi sine judicio memoria, non paucæ adversus omnes in genere Euditos objectiones formatæ sunt; olim maxime, dum plus quidem, ac nostro ævo, locum illæ haberent. Sermoni suo peregrina ex. gr. eos immiscere vocabula, barbaris uti

sonis, Scholasticasque auctorum veterum Græcorum
 Latinorumque sententias inepte in ore habere, ve-
 tus quærela est. Quo pertinet quod Richardson in Hi-
 storia Caroli Grandison afferat nautæ exemplum, factum
 paedagogicū ejusmodi Litterati satis ad rem apposite;
 dum Philosophicis nauticorum opponebat terminorum
 myteria, ridendum sittentis. Enim enimvero negari haud-
 quaquam potest, magna quod stultitia sit loqui eisdem,
 id est dicitis alteri sensa animi pandere, sed sponte sic
 mentem ne intelligatur explicare; aut ex lingua pende-
 re sensus elegantiam credere, nec potius ex sententia &
 cogitationum quæ lingua ista exprimuntur soliditate pa-
 riter ac ornatu, idiomatic gloriā esse astimandam. So-
 lis autem Eruditis istum morem esse usitatum, in hoc
 vero error latet gravis admodum. Næ fœminis quoque
 & universo politolorum gregi, Latinorum & Græcorum
 loco Gallieis aliisve peregrinæ lingvæ vocabulis variegata
 distinctaque oratio est. Nec unius mehercle quam alte-
 riū partis magis ridicula de sapientia sua opinio firma-
 que perswasio videtur; cum utriusque lingvæ addiscantur
 ipsarum solum lingvarum ergo, sive hoc tantum sine, ut
 alio quovis quam vernaculo potius sermone utantur, mi-
 nime vero ut in his lingvis vel scripta utilia legendi, vel
 alio modo solidi alicujus lucri faciundi occasiones habeant.
 Ancillæ subinde servique, dum quotidie Dominas Domi-
 nosque audiunt eleganciori ita lingua sua loqui; ac paula-
 tim & ipsi eidem assūfescunt, nonne omnem sic Herarum
 Herorumque artem & sapientiam suffurati sunt, nec ver-
 borum pauperiores his nec rerum notitiæ divitiores redi-
 di? Phralibus peregrinis terminisque, & veterum au-
 torum sententiis, inter eos uti, quibus intelligi neque-
 unt, ineptum omnino, si quid aliud, est; quin imo alio-
 quin etiā haud laudandum, si affectate nimisque fre-
 quenter fiat. Citra hoc vero quod peccatum sit, id sa-
 ne

ne non videmus. Si facilius succurrant alterius alicujus quam patrii sermonis emphatica quædam vocabula, illisq; familiaria sint quibuscum colloquimur, utra jam lingua utamur, perinde forsan erit. In scriptis haud item est, ubi plurimi esse præsumentur qui vernacula melius norunt. Nec præterea temere contrahi oportet alieno idiomate cogitata exprimendi consuetudinem, ne difficultas enascatur, voces, cum opus fuerit, in proprio prompte inveniend. Huc & pertinet, quæ in multis Eruditorum merito taxatur, immoda in scriptis Latinis terminorum atque locutionum Græcarum affectatio: Nominiū itidem priorum aliis idiomatis versiones inutiles Græcæ & Latinæ, ex. gr. dum pro du Chesne vel Magdeburg, Quercetani & Parthenopolis vocabula substituuntur. Nec magis tamen eorum laudatur superstitionis, qui novas & inusitatas, simulque obscurissimas, in vernacula voces excudunt, quibus ipsi quam peregrinis, sed ubique intellectis & civitate donatis uti malunt. Sententias quod attinet, si ejusmodi alicujus reminiscamur, si ve sit veteris sive recentioris auctoris, quæ maturas meditationes vel sales festivas pulcre exprimit, insuper etiam qui præsentes sunt lingvam calleant, conscientiæ sane casum esse haud putamus, aut arduæ adeo indaginis quæstionem, alteriusne verba demus ingeniose jam adornata, an propria, festinando taliter qualiter corrasa & male coaptata? Nee utrum Græcus Latinusve an Gallicus scriptor sit, magnopere hic curamus. Ast in sententiis solum addiscendis tempus terere quod ipsis scientiis impendendum fuerat, id vero absonum esse nemo non fatebitur.

APHOR. XIV.

estivitas elegantiaque ingenii ejusmodi est naturæ donum, quo tam uti quam abuti possu-

mus, cultus externus bonis malisque rebus ornandis patiter inserviens. Multis autem ingeniosum esse & sapientem, gravi errore idem putatur. Quidquid florida dilectione comtum politumque proponitur, solide quoque demonstratum & claræ habere veritatis criteria videtur: sub elegantि oratione venenum s̄æpe latere, sermonique sale & argutiis condito pravum subesse sensum, haud recordantur. Quid vero hinc noxæ exoriri soleat, pleni querelarum libri sunt. Nostris in primis temporibus sunt qui dicant spuriam quandam festivitatem, quæ levitatis potius nomen mereatur, ubique rerum potitam, voluptatibus homines esse immersos, secure viventes & delicias solummodo ac gaudia tum quoque quærentes, cum vel maxime ad essent seriores curæ; scripta quæ indies in vulgus eduntur, ut omni ævo fieri consyevit, ita nunc itidem seculi gustum (ut ita dicam) referre, cujus characterem & symbolum faciunt illud: *in æglo G. et aedæa;* semper cedere solere laborem & industriam, soliditatem ac maturitatem, verbis frivolis, sensuque destitutis dictiorum meteoris, eodem quo videri incepérunt momento mox iterum disparentibus; certare in his de palma cum liberis suis adhuc infantibus viros munéribus jam-dum admotos & publicis decoratos honoribus; parvulos vix balbutientes dicturire, audacioribus commentis & protervæ verbositati assūfieri, ob mala bonaqe promiscue collaudatos. Profunde nimirum inhærens omnibus mortalium in devia deflectendi proclivitas est, quæ enim in ambitione adjuta, nunquam sollers atque ingeniosa esse definit, libertas modo ad sit genio indulgendi, nullumque in audendo periculum. Vel stupidissimus quisque ne hoc pacto acuti quid unquam dicat, difficulter eveniet; quod maxime vero ingeniosorum copiam qua laboramus produxit, hoc est, quod inepte insulsoque ab eis dictorum millies obliti, eorum contra ubi semel quidam acuti

quid

quid inesse contigit, sollicite conservemus memoriam.
 Quædam in primis facile se a vulgo distingunt festiva
 capita, quibus tantæ aliorum risus deliciæ sunt, ut sa-
 tis magnifica sibi haec praemia ducant, quod totam per
 vitam moriones scurrasque agant; re sane tanto magis
 miranda, quanto certius est, in aliis saepenumero nego-
 tiis haud ab judicio destitutos se præstare solere, qui in
 hoc ejusdem pene nulla produnt indicia. Eo tandem per-
 ventum est, ut id solum ad elegantiæ commendationem
 utcunque dictis conciliandam sufficiat, si impudentiam præ-
 ferant, illicitisque subblandiantur cupiditatibus. Inest ete-
 nim insolitis, tantum non omnibus, propria & peculiaris
 jamdum gratia quædam; ubi autem insimul placitis nostris
 non solum nullo modo contradicunt, sed convenienter e con-
 tra faventque, tum vero fieri non potest, quin summope-
 re arrideant & cupidissime arripiantur. Postmodum equi-
 dem utrisque, tum qui locuti fueramus tum qui audiera-
 mus, facile perspicitur, umbras tantum sine corpore nos
 esse venatos, miramur, imo indignamur etiam, volupta-
 tem qua perfundebatur ad primas lautitiarum istarum
 perceptiones animus, brevis adeo durationis fuisse, intime
 convincimur præcipitati nimium judicii; sed inquietudo
 est, quæ mox rursum dispellitur, variæ sensibus res ob-
 veniunt digniores attentione visæ, aliis aliisque indies er-
 roribus implicamur. Emendaturi subinde priores halluci-
 nationes, impatientia novas committimus, cum molestum
 imponere jugum conscientiam animadvertisimus ac renun-
 ciandum omni in vetitis voluptati quærendæ dictare.
 Non placent hæc namque monita & temeraria usi ratione
 atque seria ludo vertentes alia circumspicimus oblectamen-
 ta, cultus & festivitatis encomia ab aliis petimus, quæ
 virtute mereri ab ipsis nobismet nequimus; nec fallit spes,
 sed large dantur ab his laudes, quibus ceu morbis nobis-
 cum iisdem vexatis, ut iterum recipient opus est: par pa-
 ri

ri & humanitate compensatur humanitas. Inutiles invicem sic nobis medicinas porrigimus, nec alio quasi fine, quam ut solitudini per intervalla redditis tanto acrior solummodo dolor sentiatur. Deo velle fallaciam portare non audi-
mus, præsumptionem sane hujus rei quamlibet exhorre-
scimus, sed pertremiscentes identidem fugere Omniseci con-
spectum latagimus, animo nos ipsos defraudandi propriæ.
que verba dandi conscientiæ anxie consilia agitante.

APHOR. XV.

Solo stare sensuum judicio & apparentibus nec veris tamen & genuinis delectari elegantiis, eademque porro in aliis reperta infirmitate abuti, sponte fallere fallique vici-
sim, vituperio omnino, si quid aliud, dignum est; erudi-
tionis vel laudandæ alicujus ingenii culturæ nequaquam me-
retur nomen, Leges ordoque naturæ & illæ consequenter
regulæ quibus hominum dirigi vitam oportet, sapientissime
a Summo rerum Auctore constitutæ sunt, constantes & ami-
ce invicem conspirantes; neque per incertos Numen men-
tis quosdam impetus fortuitisve casibus hoc quod videmus
universum regit. Ita facti sumus talique natura prædicti,
ut laborem otia curasque delectamenta excipere opus sit.
Uti his igitur in loco & tempore expedit, licet; sed ne-
cessariis præponere jucunda vetamur & fragiles homines,
quibus corrupta atque in devia prona desideria sunt, sum-
ma adhibita sollicitudine, prudenter & venerabundos, co-
ram Omnipræsenti versari Creatore decet. Cumprimum
etiam ab una ad alteram progredi ideam didicimus, Oe-
conomiam quandam circa perceptiones requiri intelligimus,
minimas in inveniendo, sed in rite disponendo ordinando-
que & plurimas & maximas, occurrere difficultates. Ad
hoc vero labor, hic opera & exercitatio accedant, neces-
sum est. Alias ad habitum acquirendum rerumque scien-
tiam

tiām comparandam vias qui ingrediuntur, ad genuinum
 scopum non contendunt & stultorum tandem numero, tam-
 et si per secula celebrati laudibus sint ac rumores strepitus-
 que nominis sui tama excitaverint, adjudicantur: Eadem ad
 minimum cum magnis quibusdam nationum populorum-
 que victoribus fata habent, de quibus, in iisque jure sive
 injuria de Hannibale, dici solet: "vincere quidem eos nos-
 se, sed victoria uti nescire." Hęc subtilibus profundisque,
 tanto magis igitur illis quę festiva solummodo sunt, inge-
 niis contingunt. Vividam narrque imaginationem pruden-
 ter intra cancellos continere, par sane quin major quoque
 laus est, nec minus difficile opus, quam hebeti tardaeque
 stimulos subdere. Unde fortassis occasio desumpta est, illi-
 us de omnibus in genere ingeniosis, ut in aliis de Poëtis,
 opinionis foventæ, quod raro admodum nisi cerebroſi pau-
 lulum sint, pauperesque ut plurimum & mendici evadant;
 cum alienam prorsus a reliquis mortalium vitę rationem fe-
 stentur. Præterquam enim quod eximii sint otii amatores &
 laborum valde impatientes, sales suas inficetas reddere, anxie
 verba ponderando, nolunt, aut festivis commentis, ut ut da-
 mni reportandi probabilitas adsit, absistere. Sic vero & in
 Christianismi & rectę rationis dictamina subinde peccatur,
 odia inimicitięque contrahuntur & graviora quam initio visa
 fuerant mala existunt. Constant argutię verbis ambiguis, al-
 lusionibus, similitudinibus &c, ubi nimis festinanter per sepe
 ex leviori quadam convenientia ad totalem inductiones fiunt;
 dum imaginatio semel excitata & laborare atque conniti in-
 cipiens, immodico capitur inventionum suarum amore & fi-
 cionum cum rebus quę adumbrantur similitudinem justos
 ultra limites extendit, frenum mordet marisque instar exæ-
 stuantis quoquaversus se diffundens aliena etiam haud raro
 loqui acutulos nostros compellit: Inprimis in moralibus
 argumentis, sicut Aph. præc. diximus, luculentia dantur
 exempla, quam furibunda omnino ratione identidem age-

re summaque vi ferri soleat. Multa in vita communi obvia & in his præter alia illud: "quam difficile est latiram non scribere, hinc fere explicari, nec haud accommodate ad rem, videmus. Ingeniosi videlicet, prærogativæ cujusdam præ aliis sibi consciis, raro seriorem, argumenta proferendo riteque instructis phalangibus, pugnam ineunt, sed aquilæ ad instar agere nobiscum solent, alci qua potiri avet pulverem & arenam in oculos ingerentis, atque ita de aplausu vulgi, sensibus externis omnia mactentis, dummodo perturbationem ei nostram ostendere potuerint, certi sunt. Severiorum e contra non pauci, ut pulverem hujusmodi nubesque securius evitent, omnem prorsus ingenii festivitatem tanquam sine nucleo putamen vilipendunt, eoque sponte oculos occludentes ipsi se occæcasæ contendendi sunt, nec minus ineptos ad veram aliis viam monstrandam reddidisse, quam quibus adversariorum dolus visum eripuit. Probe rem perpendentibus rectaque secum via reputantibus, nec sine nucleo putamina, nec putaminibus carentes nuclei laudantur: Exiguus quoq; in grandi putamine nucleus, vel ficulum & fragile prænimis putamen, quod nucleo conservando & a vi tempestatum incolumi præstanto haud sufficit, neutiquam probatur.

APHOR. XVI.

Quocirca difficile admodum non erit intelligere, in quantum Eruditum deceat elegantiae ingenii, atque inter alia huc pertinentia Poësi etiam, operam impendere; quæ varie agitari quæstio consvevit. Hanc in præsenti haud examinantes, ex occasione tamen Troubleti de eadem sententiæ (in Essays sur divers sujets de littérature & de morale) generalia quædam de hominum in his aliisve rebus indole observare constitutus. De Poëmatibus quibusdum clrioribus præstantioribusque sermo ei est, quæ prose scripta plus fuisse uilitatis allatura adstruit, Poësimque minus semper usitatam minus que

que aestimari solitam contendit, ex quo magis scientiae coli & ex barbarie se nationum ingenia emergere incepint. Thesis ipsa argumentis profecto adhuc impugnari, vel multis saltem exceptionibus obnoxia esse, demonstrari posset. Ut Historicum hoc pertinens exemplum eximiū Virgilii & Horatii in aula Augusti Cæsarī honos producitur, qua tamen ætate, præ omnibus aliis temporibus, apud Romanos floruisse litterarum cultura putatur. Homerus e contrario, hoc scilicet jure injuriave Divini cognomine salutatum ingenium, in gentibus respectu Augustei ævi hominum tantum non penitus barbaris, ægre vitam mendicando traxit. Separatur interdum honos ab aliis præmiis. Sic apud Carolum IX. Galliæ Regem valde gratiis Poëtæ erant, sed parcissime cæteroquin eos remunerabat; Habendos enim dixit ad instar canum venaticorum, quos nec fame perire finendum esset, neque ad satietatem unquam cibis repleri, si utiles sibi esse vellet. Cujus etiam dicti, ex parte ad minimum, veritatem sensit Corneille, cum differentiam intercedere agnoseeret inter ea scripta, quæ ad pulcherrimam illam novam, dono sibi a Mecænate quodam datam, & priora, quæ ad veterem suam laceram sedens mensam confecerat. Contrariæ tamen esse, cum de aliis in genere Eruditis tum forte de Poëtis etiam, sententiæ, Heumannus videtur, Conspect. Reipubl. Lict. p. 308, ubi Symmachi verbis citatis: "Hoc specimen est florentis reipublicæ, ut disciplinarum professoribus præmia opulenta pendantur", zelo agitatus & quasi entusiasmo abreptus exclamat: "audite hoc Principes! audite Principum Amici!" Ut vero unde digressi eramus, eo redeamus iterum, concedimus paulisper & supponimus, saltim usque dum ulterius tractatio nostra procedat, omnibus quæ pro vel contra afferri quirent posthabitis, veram firmisq; talis innixam Troubletii sententiam esse; exempla quæ adduxim⁹, priuū magis singulorum hominum,

quam integrarum nationum, gustum & sentiendi modum probare; aulicos horum Principum, vestigia eorum prementes Poëtisque delectatos, alio aliterque sentiente exerto, ad fami mortique relinquendos eosdem fuisse paratissimos. Probabile nimur videtur, homines rudiores & quibus minor fuit ingenii cultura, facilius imaginatione decipi. Hoc autem, numquid est novi quicquam dicere, vel peculiare ad Poësin pertinens? Quin potius ejusmodi, ut in omnibus quoque aliis, quæcunque demum agamus, pariter valeat. Fabulæ e. g. Romanenses, Eloquentia in genere, sive ligata sit sive prosa, conversandi modus & qui in conversationibus usurpantur Iudi &c. nonne diversa versis temporibus fata atque indeolem eodem omnino modo sortiuntur? Ubique sane eadem natura nostrâ regimur. Omnia initio manca & imperfecta sunt, primas quascunque notiones sequimur, sponte obvenientes vel ab aliis propositas; paulatim assūscimus ideas proprius inspicere & examinare, comparamus eas & regulas nobis disponendarum earundem formamus. Non jam promiscue arridet quicquid oblatum fuerit, delicatores evadimus & dijudicandi ac genuina discernendi a spuriis, ars quædam perficitur; culmen scientia sensim attingit. Nee diu tamen in fastigio hæremus. Corrupta nobis indeoles est & nimia in devia atque inordinata quævis propensio, jugi impatientes sumus & regulis semper esse adstrictos facile pertædescit. Primulum variationis solummodo & animi exhilarandi causa, jueunda quædam subinde licentia attentatur. Pristinæ libertatis desiderium enascitur, cum animadvertisimus & perpendimus, quantus in artem labor impendendus fuerat, priusquam vel mediocres in eadem progressus facere possemus. Quantæ jam molestiae devoratae sint, quantæque in posterum pertolerandæ restent, ad perfectionem venturis; quam adhuc etiam multum abest ut rite simus assecuti. Parcius igitur incipimus difficultates atque onera

nera subire; a compendiis potissimum quærendis, quibus parvo labore præstetur eadem opera, initium desumitur. Gradatim a negligentia & incuria ad pigritiam, a libertate ad licentiam, ab impatientia laboris ad ignorantiam, sic pervenimus. Neque certarum scientiarum tantum, sed omnis in genere cognitionis artisque, & pretii eisdem impositi, hæc revolutio, hæc inter mortales fata sunt. In sequentibus non tam decrementorum ipsius artis mentionem faciemus, quam honoris atque existimationis ejusdem, diversimode augeri vel minui solitæ.

APHOR. XVII.

Fabulæ Romanenses in multis forte originem referunt ad Historiolas Septemtrionalibus populis sub nomine Sagor usurpatas. Ut plurimum sane, quo antiquiores sunt, eo magis etiam his similes. Heroës earundem atque Equites (Auratorum cognomen subintellige) aliquando haud multum differentes a descriptionibus quæ in libris extant, revera quoque extiterunt. Horum vero, ut & maximæ partis præceptorum quæ ad Doctrinam Moralem Nobilium (vel quocunque nomine alio id, quod "Cavaliers - Moral" nostratis dicitur, denotare velis) pertinent, primæ origines in moribus consuetudinibusque arctoarum nationum quæruntur, quarum per totam Europam sub expeditionibus suis vestigia reliquerunt. Antiquissimo nimirum ævo cum armorum jure (Mässverrätten) omnia dijudicanda essent, Equites illi vagabundi (Chevaliers errans, Szwentyrs Niddare), in hac parte prout aliis quoque, necessaria pene erant ejus quæ tum viguit rerum constitutionis sequela: Prætereaque partim ad mores ritusque anticos retinendos, partim ad augendos, vel aliter atque aliter immutandos, Bella Sacra plurimum contulere. Si, ex posito semel secundum Troubletum

fundamento rem aestimando, præcedentium temporum
 homines consideramus, inter horum qui jam vivunt a-
 vos proavosque exempla, nec pauca, videbimus, in a-
 matoriis negotiis sæpiissime usu venisse agendi cogitandi-
 que methodum valde Romanensem, ut ita dicam: Vi-
 tæ ratione ubique locorum in ipsis societatibus civilibus
 melius ordinata, artisque adstricta regulis, vixus paran-
 di aliarumque necessitatum curæ, quibus universus regi-
 tur orbis, quarumque de tantis sibi injuriis illatis aman-
 tes conqueruntur, paulatim pretio honoreque suo amo-
 rem Romanensem privarunt. Hujusmodi tacta senten-
 tiarum immutatione hominibusque de genuina sua uti-
 litate melius edocitis, Poëtarum quoque minor existima-
 tio consecuta est; qui simplicioribus rudibusque exi-
 stentibus seculis, longe profecto feliciorem fictionum fa-
 scinantium, fartæ teatæque ad mortem usque fidei, la-
 crymarum & quæ alia commenta sunt, mercatum fece-
 re. Pastores jam pastorumque amicæ in rusticorum so-
 lummodo agris inveniuntur, atque his equidem de qui-
 bus cantilenæ aliæve dulces gerræ commemorant valde
 dissimiles; suspiria nunc amanti, prout si pauper fuerit
 exiguae utilitatis sunt, ita si dives e contra, haud omni-
 no necessaria. Minus igitur, quam antea eramus, ridi-
 culi facti sumus. Sed numquid etiam meliores redditi,
 & virtusne an vero vitia hac commutatione lucrata sunt?
 Hominum natura omni ævo eadem fuit, cupiditates ab
 his quibus hodieque vexamur haud alienæ, semper im-
 modicæ, inordinatæ, indomitæ: quæ nequaquam eradi-
 cari, sed modis objectisque ad infinitum variare possunt.
 Si autem v. g. personarum quæ amandæ sunt electio ma-
 turior & citius ac par erat facta antiquitus fuit (quod, sic
 ut reliqua jam allata, sub assumta tantum hypothesi di-
 cendum volumus) fieri potuit, ut sollicita huic eidem per-
 sonæ placendi cura, quæ semper amorem plus minus-

ve comitatur, ad studiosius connitendum & industrius
pergendum in laudabili quovis proposito incitaret, atque
imaginatio tranquilliores & tacitas quasi flamas agitans
eo tamen insimul a toto velut orbe percurrendo & mil-
lies in die nova votorum & desiderii materia quæren-
da prohiberetur. Liçet in aëre arces (ut in verna-
cula dicere s̄evimus) s̄apissime exstruerentur & inepte
multa hue illucque agerentur, minus (aut magnopere fal-
limur) hisce temporibus amor malum erat, quam illis qui-
bus inordinata quædam, promiscua & bruta coitus libi-
do ubivis regnat; quale quid nostris de seculis prædicam-
dum esse, multis creditur. Differri equidem ajunt cer-
tarum illam personarum electionem, usque dum currus
& equi comparari servitiaque ali queant & laute magni-
ficeque per omnia vivi, sed furtis interea solere famem
levari; viris videlicet ante matrimonium, fœminis ve-
ro, utpote quibus prægnantes hucusque exspectandi ra-
tiones sunt, post idem, insanendi tempus esse. Quæ qui-
dem in ceteris Europæ regnis regionibusque, ut Gallia
præsertim, manifestissima jam & manibus palpanda re-
periri autumant, sed quamprimum tamen ad nos quo-
que politissimam atque elegantissimam, si Superis placet,
vivendi rationem esse perventuram.

APHOR. XVIII.

Scribuntur autem ideo hisce quam priscis temporis
minus Fabulæ Romanenses, vel Poësis cultissimo at-
que omnium elegantiarum laude florenti seculo nostro
negligitur? Re ipsa hominumque natura, ut diximus,
eadem ac olim erat perpetuo manente, modus tantum
immutatus est. Utriusque generis fuse indies scripta prod-
eunt, sed *gustui* quem vocant seculi attemperantur. Im-
posterum forte ad vitia non minus quam haec tenus ad

inceptias alliciemur. Non amplius de Heroibus sermo erit, gigantes monstraque insectantibus; de filiolis quæ aciculis natæ, repente tamen tanta gladios atque arma gestandi industria donantur, ut innumeræ solæ hostium copias in fugam conjiciant, munitissimasque urbes haud minori negotio exscindant, quam lusus quæ domi reliæ sunt sociæ, vel hæ saltæ quæ nostra ætate nascuntur & vivunt, mensas forte quasdam parvulas (Thebæ) evertere, duæ tresve auxiliatrices sibi manus porrigentes, valebunt; a. i. p. Hujusmodi narratiunculæ ad otium superfluum fallendum & admirationem forsitan simplicioribus aliquando excitandam idoneæ erant, sed quarum proposita exempla imitari velle, nimium ab omni probabilitate deflectens singendi licentia vetabat. Id vitii nostro tempore sollerter evitatur & occasiones proponuntur longe facilius in vita communi inveniendæ, quas, aptatis ad illecebras præbendas descriptionibus & circumstantiis, deliciosissimas reddere novimus. Ne quis autem ex ejusmodi poëmatibus, ut Virgili Bucolica, variæ Horatii Odæ, quin Ovidii quoque Metamorphoses sunt, quæ nostro sicut Romanorum etiam cultiori ævo sæpiissime lucem vident, objectionem formet, distinguendum esse monemus inter id quod ipse politior orbis credit agitque, & illum quo priora tempora considerare solet modum, jucundis subinde figmentis sibi placens ingenioque comminiscendi pro lubitu licentiam concedens. Si, porro, ad breviores tantummodo, nec tam elaboratas ad ultimum quam lascivas, argutias salesque, in primis adhiberi Poësis incepit, neque in hoc, itidem testante Historia Litteraria Antiqua, negligendæ ejusdem documenta aderunt, sed hic jani ut in aliis quibusvis nos geremus: Seculum instabit mollitiei & flagitiis immersum, per omnia summopere laboris & molestiæ impatiens, cunctisque suis inceptis & studiis superficiaria opera defungens.

(Cfr.

(Cfr sis Aphor. XIV.). Sales vero istæ ipsas regulas & præcepta vitiorum continebunt, quæ in Fabulis Romanensibus exemplis postmodum uberioris illustrabuntur.

APHOR. XIX.

Neque hoc aliquem offendat, quod jam, sicut & Aphor. V. & XVI. convenientiam prisci recentiorisque supponamus ævi. Elegantiae veterum etenim nostras genuere & genuinæ æque ac spuriæ urbanitati, ut his ita quoque antiquis temporibus, semel & saepius floris fastigii quoque periodus fuit. Quæ in privis consuetudinibus ac particularioribus quibusdam circumstantiis reperitur differentia, rem ipsam tamen aliam non efficit: utroque virtutes primum & post vitia condecorata commendatae sunt. Initium post renatas litteras fecere qui excellentiora nec sua sane laude frustranda veterum scripta imitati sunt; sequentur nostro ævo alii, illorum qui vitiorum illecebras eleganter & delicate proposuere, haud minori successu vestigia prementes, viri nec ingenio destituti nec laborem detrectantes, quo palmam magistris vel præripere queant, vel haud inferiori saltem loco habentur. Jam Historicæ quoque Politicæ &c. lucubrations prodeunt, quæ tum quoad testimoniorum auctoritatem tum quos commendant mores, rerum denique delectum & judiciorum de rebus maturitatem, opusculis Sophistarum Græcorum, ut ovum ovo, similes sunt; horum nimirum, quorum industriae atque ingeniosis commentis tot debemus in Politica Litterariaque Historiis anecdota, quibus veritatem historicam ex annalibus tantum non penitus proscrisserunt, vel non nisi cautissimo instituto examine multisque devoratis molestis inveniendam siterem. Paulo ante namque & post Græciam a Romanis subactam, incolæ ejus, in iisque in primis Atheniæ

nientes, quoad mores, artium elegantiorum florem, & urbanitatis maxime atque culturæ, insimul vero levitatis ac mobilitatis, nec falsam, apud exterios opinionem, Gallicis qui nunc sunt simillimi extiterunt: Quorum nunc similisque generis, præter imitationes quas diximus, dantur quoque, in notioribus saltē linguis Europæis, versiones insuper haud contempnendæ. Neque tamen timendum, ne seculum aliquod Criticum, ad ejus quod præterlapsum est instar, denuo instet. Alia certe nunc aguntur, quam ut prolixos consarcinemus Grammaticos Rhetoricosque commentarios, appendices, vocum phrasiumq; perpetuas indices &c. Ubi notitia Antiquitatum ad rem intelligendam requiritur, nota breviacula in rudiorum gratiam apposita, clavis perspiciendi mysterii porrigitur; sensum auctoris optime, sagaces sollertesque ut sumus, percipimus: Magno apparatu opus non est, nec quid sibi velint curamus Antiquariorum illa: "interpungo, corigo, emendo, deleo, substituo, hoc ab ineruditis librariis profectum est, e margine in textum irrepsit, sic ego lego, ita manuscripta præstantiora habent," aliaque innumera ejusdem furfuris deridicula.

APHOR. XX.

Troubletii his omnibus autem, quæ sic differimus, non in se atque absolute, sed ut declaravimus jam, tanquam priva Poësi, observatio impugnatur. Poëtas concedimus nunc quam olim, & apud nationes ingenii litterarumque cultura florentes quam rudes & barbaras, minori in pretio haberi. Id nimur omni perpetuo arti pariter contingit; quæ tum semper maxime honori solet cum primo excoli ccepit & valde adhuc imperfecta est; cum vero summum fastigium suum attigit atque ad maturitatem est perducta, negligitur ac despiciatur. Ratio in antiquissima illa regula est: "ignorantiam admi-

admirationis matrem esse;” quæ igitur admiratio, in quantum barbaries dispellitur, vulgo magis magisque oculi aperiuntur atque majori ipsæ disciplinæ cultorum numero potiuntur, quod raritatem tollit, tantum non potest quoque non evanescere. Ut vero Poësis quidem non ideo sit inusitator vel obsoletus, licet minori in honore habeatur, licet modus tantum atque externa facies immutetur, licet delicatior ipsa evadat, regulis adstringatur, inepta fingendi licentia privetur atque absurdis commentis & horridis verborum sonis ei uti interdicatur; ita etiam cum prosa Eloquentia esse diximus. Initio videlicet inculta vulgi vocabula usurpamus, similitudines audaciores, ubi in una forte re convenientia occurrens in decem aliis differentiam non impedit, primaque inexercitatae imaginationis inventa quævis arident. Circum circa e. g. nihil nisi res corporeas videamus, ipsisque nobis relicti ægre omnino alias dari intelligimus: Omnes in omni idiomate voces terminique, ne abstractissimis quidem & iis quibus mere spiritualia jam entia & res designamus exceptis, primum etymon ac derivationem ad materiales imagines sive corporeas referunt, tametsi multis originariæ radices dudum deperditæ sint, vel significatum mutaverint. Priusquam ergo lingua excoli & vocabula phrasesque a primæva ruditate purgari queant, aliquos jam in ipsis scientiis, in naturæ humanæ aliarumque rerum notitia, progressus esse factos oportet. Ad hæc vero omnia ingenio, labore, tempore opus est: Vulgo igitur scriptores, in Elegantioribus sicut & aliis in Litteris, a posteris eo minus æstimantur quo vetustiores sunt; ab æqualibus vero, ut diximus, tanto minori in pretio habentur, quanto plures simul florent. Quomodo apud nos in hoc negotio fieri soleat satis novimus, nec aliter aliis moris est: Galliam v. c. nostro ævo omnis culturæ atque elegan-

tiarum sedem habemus, ubi olim tamen & priusquam Malherbe aulam aulicosque, ut ipse loqui solitus erat, devasconasset (Cicerones fugite hinc!), viles admodum parumque delicate eupedia placebant; sicut vel in Balzacii scriptis ostenditur. Imo in ipsum hunc etiam auctorem dicterium alicubi nos legisse recordamur (forte apud van Effen, Le Misanthrope Tom. I.): "homines Parisios ex provinciis venientes, dum acutos se ingenososque præstare satagunt, meliora non habentes, Balzacii utplurimum vitulo arare solere."

Ceterum Galli, Itali partimque & Angli, in vernalibus suis excolendis poliendisque haud sane iisdem a nostrates difficultatibus pressi sunt, eum perfectum jam ad imitandum exemplar in sermone Latino, qui ipsorum idiomata genuit, haberent, præterque artem perfectam regulasque cogitatis apte exprimendis necessarias, cum aliis nationibus communes, insuper ipsa vocabula terminosque mutuari commodissime possent. Germani ob differentiam utriusque lingvæ putantur ad recentiorem fere ætatem haud eadem esse felicitate usi, quin potius incomoda sibi contraxisse, inter alia v. g. longissimas periodos, ad constructionis Latinæ imitationem verba postponendo, inepte saepius ipsis usurpatas. Dani, sicut & Angli, priscæ Gothorum loquelæ peculiarem emphasis sectari creduntur, atque in hac re nostrates superare, quos florida Gallorum dictio magnopere sui amore ceperit, idque adeo usque, ut apud recentiores quosdam scriptores idiotismi etiam mere Gallici frequentissime occurant, citra omnem necessitatem in lingvam Svecanam translati. Operæ pretium esset expendere, cum ipsa gens nostra haud sane cedat gravitate Danis, quin superet eosdem potius, num (istac observatione vera posita) sequiorum seculorum ita dæcæ conjuncturæ politice eximum quid ad tales inter ambas septentrionis nationes di-
ren.

rentiam, duarumque ejusdem Gothicæ matris filiarum dissimilitudinem, contribuerint.

APHOR. XXI.

Conversandi modum & usitata in conversationibus, ut apud nostrates, varia ludorum genera, itidem ut exempla nominavimus, hominum esse indolem probantia, dum adhuc minus ingenii exercitati sunt, sine sollicito delectu primas quasvis perceptiones, menti utcunque obvias, sequi. Ubique valet quod aliquoties jam agnovimus, naturam mortaliū nusquam nisi ut corruptam esse considerandam, hoc ævo non minus quam olim peccare nos solere, patresque vicissim nostros, utpote qui adeo improbum post se genus ac nos sumus reliquerunt, minime gentium vel ipsos potuisse sanctos & labis expertes esse. Omnino illorum sententia probanda videtur, qui in hoc solo totam differentiam positam volunt, quod nunc civilius politiusque tantum peccemus, atque vastationes & miseriae methodice magis inter homines efficiantur & existant. Absolute nimirum universoque in complexu suo hæc sententia vera est; nec vero exiguum eundem habet.

Sicut autem Aph. XVI, ita & hic iterum, quæstionem nostram deserentes, ad aliena paulisper divertimur. Cum igitur hominum se invicem destruendi & cruciandi methodus magis polita regulisque adstricta evaderet, per se consequitur, destructionem lentius peragendam malumque minus visibile esse redditum; unde opinio nostra, de prærogativis nostrorum temporum præ antiquis originem trahit. Qua in re tamen notandum, non ad nostra hic solum tempora morum ingeniique culturam restringi, nec per solos prisci ævi homines indigitari barbaros; præter nostros etenim dies, olimjam quoque id fuit mundus, quod sibi relictus fieri potest (Aph. XIX.)

Helvetii verba quæ hic citari solent, recte se habent:
 "terræ dominium primo fortissimi, deinde callidissimi fuisse." Sed hie tamen callidus non solus sane suo ævo cal-
 lidus exstitit, nec eodem stratagemate plures victorias
 reportavit, priusquam fortis errores suos animadverteret,
 sique ipse hic equidem damnis suis sapiens reddi nequi-
 vit, alii tamen potuere. Primum itaque solo robore o-
 mine negotium peragi posse creditum est, post autem quam
 deceptos se esse vidissent, solam sufficere artem forsan
 putavere; postremo utrumque conjungi requisitum ope-
 rere intellexerunt, scientiaque ad fastigium perducta, re-
 cepta est regula: "abit res a consilio ad vires." Eo tem-
 pore quo hoc dixit Cornelius Nepos, vetus orbis cum
 omnis generis cultura sua in eodem (respectu majorum
 ætatis) statu fuit, in quo nos (respectu nostrorum) fu-
 mus, itidemque contemnere eos solebat. Pacis bellique
 artes, sicut nunc etiam, magis ac præcedentibus seculis
 excultæ, politæ comtiusque adornatæ extitere. Vis nempe
 & mala quævis cum a privatis tum ab integris civitati-
 bus mutuo inferebantur, at methodice, ut modo dixi-
 mus, artisque ad regulas. Non omnia promiseue vastare
 quæcumque obvenirent, rapere, occidere moris erat;
 nam sciebant hoc modo exercitui commeatum penuri-
 am parari. Modicæ contributiones imponebantur & fe-
 re ad necessitatem pertinentia tantum exigebant; inter
 homines & homunciones distinctio non ignorabatur,
 potiorisque dignitatis & divites alia quam plebeculam &
 pauperes ratione esse tractandos. Omnibus in genere
 hostilis terræ incolis pacis quodam genere frui permit-
 tebatur, quo saepius dare aliquid possent; qui jure igitur
 clementissimis suis victoribus impense benedicebant, gla-
 dii loco fame ipsos morbisque enecantibus. Societatum
 ineundarum, conjungendarum separandarumque utilita-
 tum & reliquæ ejusmodi artes longe quam antea melius
 perspe-

perspectæ erant, diutiusque protrahere & pertolerare bella valebant; haud recōdantes, postquam ex utraque parte jam æque intellecta belli mysteria essent, hoc ipso si non perditum aliquid, at certe nihil esse lucri reportatum.

APHOR. XXII.

Semper homines cum coævis suis, culti cum cultis, barbari cum barbaris, ut paribus suique similibus rem habuere, quare unius ætatis magni viri eodem profecto laudes postulandi jure gaudent quo alterius, & qui præcis temporibus egregia perpetrare facinora potuerunt, ii sane & nostris potuissent, atque vicissim; nam ingenio omni tempore fuit opus. Diversis quidem temporibus in diverso rerum & negotiorum genere opus eodem fuit, nec non diverso gradu; Verum non argumentorum tamen diversitas, sed diversa tractandorum eorundem difficultas est, quæ majoris illius, ubicunque observata fuit, notitiæ necessitatem produxit. Ubi vero major notitia requiritur, sequuntur etiam sponte & necessario plures faciliusque inveniendæ discendi occasions, idque sive theoriam sive praxin consideremus: Par discendi facilitas v. s. v. pares etiam artes reddit, paritas artis paritatem honoris efficit. Haud eo secius quodlibet fere seculum de insignibus sibi gratulatur, præ illis quæ præcesserunt, honoris prærogativis. Levissima quavis diversitate occurrente, longe diversissimum incolere nos credimus terrarum orbem ab eo qui patrum memoria fuit: Continue novi prodeunt Eruditorum libri, in quibus exspectamus, & cum exspectemus invenimus etiam, nova semper mysteria. Græci & Romani, de quibus modo diximus, ingenii morumque cultura & arte militari, Phœnices & Carthaginenses mercatura & fabricis, hodierni Europæi in omnibus his si-

mul, suis singuli coætaneis præstiterunt vel hodieque præstant; singulis quoque eodem modo major eorum ars utilitati vel damno fuit; singuli ergo eodem omnino jure & eadem injuria de majori hæc arte præ singularum vicinis vel majoribus suis gloriati sunt. Quomodo nimirum alioquin unquam motus inter homines existerent, nisi cupiditatibus excitatis? Quomodo desideriis obtemperarent, nisi suis satiandis initos calculos singuli melius esse subductos, quam eorum qui easdem ante se res ausi fuerant, firmiter crederent, sive quod idem hic est, avide cuperent? Quomodo alias hominum natura corrupta esset dicenda, nisi desideria eorum immodica & inordinata essent, nisi voluntas intellectui imperaret, nisi appetitus rationi præcesset, nisi præsentium denique infinite major nos commovendi vis atque efficiacia esset, quam futurorum?

APHOR. XXIII.

Tam in veteri quam recentiori orbe solida scientia & genuina rerum gerendarum peritia, tam apud vulgum quam summarios, semper & ubique *rara extitit avis in terris nigroque simillima cygno*. Quamobrem, licet pauci quidam saniora scirent, ut plurimum tamen ita se homines gesserunt & gerere jussi sunt, ut ingenii cultura rerum potita, luxuria & mollities eos corrumperent, irresque & firmitas corporis negligenterunt; sicut e contra, sub ignorantiae periodis, virium cura contemptum artis produxit. Si itaque scientia, cujus ope optime aliqui de molitiei dannis certiores redi possimus, tota quanta jam ad huic inserviendum uti cœperimus, nunc non minus quam pridem fœtus hic tandem exitium matri suæ afferet, eademque proportione qua solum robur & destitutus artis præceptis furor omnibus se probaverint, duritiem, feritatem, ignorantiam rursum cum uni-

ver-

verso hominum genere in gratiam reducet. Apud eas præprimis Europa orum nationes, quæ posteriores ceteris ingenii culturæ se tradidere, facillime observationes erunt faciendæ, damnaque ex neglectu rite intelligendæ riteque applicandæ regulæ: "abit res a consilio ad vires" oriunda, cum in pacis tum belli negotiis se conspicienda præbebunt. Moris & consuetudinum reliquorum populorum simulatio adeo singulorum animos occupabit, quasi finem mundi prius venturum metuerent, quam his se similes præstare valuerint. Pietatem omnino tanta festinatione tantoque zelo potiores proscribent forisque ejicient, ut cum apud hos ne audire quidem amplius nomen IESU detur, vulgus, quod lentius in omnibus agere solet consuetudinum mutationibus, dubium adhuc hæreat, utrum directe negando, an in praxi solummodo, sicut antea, negligendo Verbum DEI, in gehennam venire, consultius sit? Parcimonia (magnum illud, ut Cicero inquit, vestigal) & laborum patientia, dudum exulasse videbuntur, cum tamen controversia de utilitate vel damnis luxus ne dimidia quidem ex parte satis dirimi potuerit, nemoque sciat, utra demum duarum factionum superior mansura sit, illane cui mille thaleros lucrari & duo millia dilapidare, an cui decem lucrari potius novemque expendere (ubi aliter instituendæ rei occasio non est), melior & magis genuina ditescendi ars dicitur? Dum sub judice lis est, utrum ex quingentis frugi & sedulis, an mille publicis viventibus malis, vescenis, mollitie corruptis & stupidissima inflatis ambitione, majus numero civium augmentum accedat?

APHOR. XXIV.

Hujusmodi seculorum populorumque diversitas, non solum quoad effectum politicum, ut hic fecimus, consider-

sideratur; sed seorsim quoque, ex ipsis principiis moralibus, dijudicari solet: Quo simul & proprius ad converfandi mores, qui occasionem nobis divertendi dedere, ultimo redimus. Inter duas nationes vitiis deditas, ibi culpa etiam major esse videtur, ubi notitia boni ma-
lique communior & magis excultæ animæ facultates sunt. Unde summo jure, sicut omni vitio ipsi jam pœna in-
est propria, ita & criminum sponte quasi commissorum
difficilius resipiscientia datur, sed potius major majorq; in-
dies animi durities enascitur, quam pernicies utplurimum
immediate sequi svevit: Quod æqualiter se habet sive ra-
tione justitiae Divinæ & Theologice rem consideremus,
sive Physice respectu naturæ & indolis hominum; qui
quanto sibi sapientiores apparent, tanto & mordiens ma-
gis tenaciusque utplurimum satagunt quem elegere se-
nuel vivendi modum continue servare. Vitia quidem in
se semper eadem mortalibus sunt, sed diversa sortiuntur
nomina ex diversis circa quæ versantur objectis, atque
hoc saltem intuitu alia barbarie & ignorantiae, cultio-
ribus populis alia priva & peculiaria sunt; his e. g. illa
quæ a luxu generantur, & quæ ejusmodi animi affectus
fontes agnoscunt qui lentius exorientur, quique ideo tam
repente ac reliqui omnem deliberandi locum non adi-
munt, nec notabiliores mox turbas excitant, sed seque-
las tamen persæpe haud meliores habent. Qui culturæ
& scientiarum ex spatii ad habitandum majori angustia,
pluribusque paulatim necessitatibus enatis, origines re-
petunt, plures etiam cupiditates ac desideria oriri, plu-
raque consequenter vicia, dissidia, rixas, dolos malasque
artes, inter politas quam feras nationes dari, agnoscunt.
Quo non obstante, id minime negari debet, ignorantia
am & innocentiam duas atque distinctas, nec easdem res
esse; Has enim confundendo, Poëtæ oīm ad ætatis au-
reæ figmentum dilapsi sunt, multisque in recentioris &
anti-

antiquæ ætatis comparatione idem adhucdum error com-
 mittitur. Ubi autem ad declarandam & dilucide expli-
 candam veram differentiam quæstio devolvitur, tum ve-
 ro medium tenere nec partium occæcari studio, præsum-
 tisve opinionibus, difficultimum omnino est. Qui antiqui-
 tati magis favent, ideoque in illius moribus describendis
 ex ea potissimum parte, ubi pulchrior appetet, rem con-
 siderare amant, (quorum quidem vestigia premere, as-
 sumtæ semel Troubleto præente de rudioribus ingenii
 hypothesi insistentes, hic etiam pergemus) sic fere paral-
 lelismum instituunt. In conversationibus candor & fa-
 miliaritas quædam hodie desideratur, quæ nunquam non
 disparere solet in eadem proportione ac gestus moresq; arti-
 ficiosi & difficiliores, simulatio & dissimulatio proveniunt.
 Dum affectus animi tam boni quam mali liberius se ut-
 plurimum exsererent, dum sæpius in armis esse quam
 hostis adventans conspiceretur haud opus esset, inter-
 valla quoque hostilitatum tranquilla magis erant, habe-
 ri aliis, haberi vicissim nobis ipsis fides sivevit: Recon-
 ciliatione semel facta, novæ inimicitiae nisi novis ex caus-
 sis non oriebantur. Sive vera sive apparente tantum ne-
 cessitate urgente, mortem veteres miseræ vitæ præpone-
 bant. Vitæ vero commoditates atque deliciæ, licet in-
 se nullius forte pretii nec eadem ac nostro ævo arte pa-
 ratæ essent, ab ejusmodi tamen hominibus valde care-
 Æstimabantur, qui exquisitiores dari, suasque a posteris
 quandoque irridiculo habendas, ignorabant. Agrestibus
 impolitisque animis parvo labore oblectamenta procura-
 bantur: Quod in conversationibus quam alibi haud a-
 liter evenit. Civilitatum non æque ac nunc sumus prod-
 igi mutuo fuere, in adulando immodici & inepti; Utrum-
 que tamen genus, dum & meliora quam quæ dabantur
 exspectare & iis quæ dicebantur diffidere nesciebant, gra-
 tum erat. Pars conversandi artis Ludi sunt; cujusmodi

ab antiquissimis retro temporibus, in ardois imprimis regionibus, usurpantur. Distinctioris sortis hominibus & primariæ juventuti tales haud ita pridem amabantur, quos nunc ipsi rustici deditigantur: Cantilenæ quoque juxta usitatæ erant, ubi quidem sensum veneresque si quæras, nutricum neniiis haud reperies esse dissimiles. Veruntamen fieri potuit, bonam simplicitatem hujusmodi ludis, ænigmatibus historiolisque suis, fuisse minus culpandam, quam hodie ingeniosioribus politioribusque inventis sumus. Publicæ privatæque nostra animum exhilarandi rationes, res quæ in conversationibus otio fallendo inservire solent sermonumque materia, non plane absonam opinionem esse indigitare videntur. A. i. p.

APHOR. XXV.

Dost memoriam & festivitatem, tertium ingenii donum, ubi in pretio eidem statuendo nec sæpius teneri medium solet, subtilitas est. Sunt qui, utilitatem solam spectantes, eo usque in laudibus ejus recensendis modi obliviscuntur, ut omnem eruditonem subtilitatum intricatissimarum, haud omnino necessiarum divisionum distinctionumque & nullius usus regularum, farragine absolvi ducant, summum esse sapientiæ cacumen putantes, simplicissimas quasvis res & intellectu facillimas in mysteria transformare. Aliis damna tantum considerantur, qui nullas plane in idearum dispositione & in meditationibus dirigendis difficultates dari aut manu, nulla opus arte ese & manibus singula quæ credant palpari debere; tanto nimirum simplicitatis & perspicuitatis amore flagrant, ut subinde ignorantiam etiam, confusionem & stupiditatem collaudent. Inter immodos subtilitatis panegyristas celeberrimi sunt medii ævi Philosophi Scholastici, qui & ideo tam atq[ue] ab altera sive adversaria parte depingi solent

Solent coloribus, ut memoria eorum, dum perstat orbis,
 summo in horrore posteris non esse nequeat. Miselli vero
 senes isti bona fide agebant & magnæ auctoritatis
 Patres Ecclesiæ sequi se credebant, cum dolo primum in
 labyrinthos Dialecticos Stoicorum se induci paterentur,
 & paulatim magis magisque subtilitatum amore capti
 ultimo demum oculos auresque tenus immergentur in
 omne quidquid Peripateticorum, Academicorum recen-
 tiorum, tandem Ecclecticorum sectæ, quicquid priscorum
 suorumque temporum somniatores, Ethnici, Iudæi, Sa-
 raceni, quicquid ignorantia & imprudens curiositas, im-
 mo necessitas ad postremum & eorum quorum sic esse
 intererat utilitas, svadere & ad imbecillem hominum
 intellectum a veri via abducendum, liberumque usum
 facultatum animæ impediendum, invenire potuerant.
 Dialectica eorum autem, postquam diu magna que tyran-
 nide, ut sola inter scientias regina, imperasset, nostro
 quidem seculo, ceu exinanitionis suæ tempore, ita est
 ad incitas redacta, ut nomen quoque ex universo Eru-
 ditorum orbe tantum non penitus exulaverit; aliae de
 præda ditatae artes sunt, his ad Logicam, ad Metaphy-
 sicam aliasve disciplinas illis spoliis relatis. Videtur sa-
 ne exercitæ olim crudelitatis alte admodum animis in-
 fixa memoria resedisse, cum in minimas etiam reliqui-
 as, ubicunque demum deprehendantur, omni absque
 misericordia saviatur.

APHOR. XXVI.

In illis scientiis quibus maxima adhucdum esse cum
 Philosophia Scholastica similitudo creditur, quæque plu-
 rimum ideo a politioribus nostris in odio contemtive
 haberi solent, Metaphysica est: Quæ hic igitur, ubi de
 usu & abusu subtilitatis quæritur, optime rei exemplo
 illustrandæ inservire poterit. Ingenue si fatendum, nun-

quam inter fidissimos ejus cultores fuimus, sed nec unquam
 abrogandæ ejusdem penitus possibilitatem perspicere potu-
 imus. Quæstio vero, ut ambigua est, ita gemina quoque
 ratione & valde diversa potest considerari: Quarum al-
 teram primum sub examen revocabimus. Fieri fortas-
 sis ex opinione quorundam quiret, ut tantum Metaphy-
 sicæ quantum indispensabilis necessitas exigit, separatim
 in singularum quas concernit disciplinarum Prolegome-
 nis tractaretur; quo etiam modo, subsecuta mox inferius
 applicatione, dilucidius intelligi atque ad usus referri de-
 bitos id posset. Illius in primis, quam in Theologia Na-
 turali cognatisque argumentis Philosophis præstítit, uti-
 litatis respectu, maximam hucusque auctoritatis quam re-
 tinet partem jure suo tueri scientia hæc credita est:
 Quæ jam capita eadem ac cætera methodo pertractaren-
 tur, summiq[ue] præterea momenti difficultas tolleretur,
 si ad Moshemii (in Not. ad Cudworthi Syst. Intell. ali-
 bique) exemplum, styli pariter elegantiae cura habere-
 tur, & in quibusdam præprimis disquisitionibus minus
 ac antehac factum solliciti essemus, de integræ tractatio-
 nis prolixarumque demonstrationum materie intra defi-
 nitionis, uno alterove obscurissimo constantis termino,
 limites coarctanda. Inter varijs generis scripta, crescen-
 ti indies hostium veritatis cœlestis numero opposita, sunt
 qui contendant, eorum qui historica similiaque argumen-
 ta usurpant mediocria etiam magis esse conscientiis con-
 vincendis apta, quam eruditissima volumina ejus ac v.
 g. Wallerii Prænotiones indolis & methodi. Quam equi-
 dem ad opinionem fovendam ipsi quoq[ue] clanculum fui. nus
 jam dudum proniiores; verum nescientes utrum ex eviden-
 tia solum, an vero simul ex soliditate, hujus præ altero
 argumentorum generis, ista procedat differentia, certi
 nihil definire audemus. Partim serio, partim forte joco
 dicendo, non nisi duas hic nobis quas ingrediamur vias
 esse

esse datas opinamur. Vel ut ad primævæ i. e. Apostolicæ Ecclesiæ simplicitatem redigamus omnia, eorumque itidem methodum, patientia & vitæ innocentia potius quam eruditionis apparatu religionem defendendi, imitemur; quod aliter non posse, jure an injuria quidam contendunt, in præsenti naturæ humanæ corruptione perfici, nisi præter introductam disciplinam Ecclesiasticam Apostolorum, divortium etiam Ecclesiæ tam cum civili quam eruditæ republica fiat. Vel si necessario servanda nobis cum hisce unio est, nec Philosophorum in genere nec Metaphysicorum in specie operam rejici oportet, sed simulatam quandam ab utraque parte amicitiam coli præstat, externæ in Ecclesia pacis ergo, quam juratos nobis declaratosque inimicos tam bellicosam gentem reddi. Utamur videlicet Philosophastris istis Cossacorum saltem ad instar & ad observandos hostes, quoruni frequentiores adeo excursiones prohibebunt, illudque adversus eos belli genus, quod *guerre de chicane* hodierni nominant auctores, interim gerent, dum genuinæ & plenioris de cœlo liberationis tempus adventet. Hoc vero quando fiet? quibus interea curis, qua sollicitudine non est opus & quam graviter quotidie pene non labimur! falso nos zelo seduci passi, hominumque persecutioni exponentes, quamquam DEI adhuc auctoritate haud simus muniti; quem intempestive tentamus, & accelerare putantes, revera impedimus tantummodo retardamusque, exoptatæ diu felicitatis momentum.

APHOR. XXVII.

Manentes jam igitur in altera illa via, quam calcare semel incepimus, & tam Metaphysicam retinente quam reliquum Philosophiæ apparatus, quomodo hac porro ex parte rem considerabimus? Cognitionis & distincte intelligendi desiderium omnibus inditum est, quo-

eunque demum in argumento examinando animus ver-
 setur: Laboris impatientia, vel præjudiciis de hujus il-
 liusve disciplinæ inutilitate damno conceptis fit, ut
 multa sè penumero impugnemus, cum his quæ & ipsi
 credimus & acta sequimur, eadem omnino tamen ea esse
 nescientes. Id quod circa Metaphysicam haud aliter quam
 alibi contingit. Qui in scientiis præ terminis externo-
 que habitu de ipsis rebus potissimum solliciti esse cupi-
 unt, in vita communi haud illepida freqventer, quæ
 hoc probabunt, exempla documentaque invenient. Mi-
 nus probabile initio forte videbitur, sed cuicunque ta-
 men facile dabitur experiri, cultissimos homines maxi-
 mosque Metaphysices osores, inter colloquendum ad Me-
 taphysicos cum aliis sermones ferendos non ita magno
 negotio perduci. Ingenio enim, ubi præsumtis opinio-
 nibus, ne rite eodem utantur, præpediti non fuerint,
 minime destituuntur. Dum sermocinantur itaque, oc-
 casionibus prudenter subministratis imponi sibi patientur,
 ut subtilissimas etiam distinctiones ipsi faciant. Volupta-
 te perfundentur, viam hoc ipso ad rem penitus intel-
 ligendam se sibi sternere animadyertentes, laudabunt sol-
 licitat ad alias atque alias circumstantias earundemque
 differentias attentionem & diversi diversimode institu-
 tam status controversiæ considerationem. Cavendum mo-
 do erit, ne terminis Latinis & scientiis utendo suspi-
 cio moveatur, sed potius, si mox in vernaculo idioma-
 te vocabula non succurrant, circumloquendo & prolixiori
 descriptione sensa exprimantur; Ex Gallica in primis lin-
 gva voces phrasesque mutuanti, felicissime negotium suc-
 cedet. Pertractata jam materia, dicis causa tantum re-
 minisci e re erit, eandem antea quæstionem inter Eru-
 ditos, hunc illumque, esse agitatam, rationes ab utro-
 que allatas commemorare, parallelas modo ventilatis si-
 stere & easdem cum his esse ostendere; paulatim tan-
 dem

dem spectra larvasque protrahere & terminos adhibere scientificos. Attonitis erunt similes, retractentneſ dicta an persistant, pudere an indignari oporteat, incerti. Hæc etenim hominum, nostra & aliorum, infirmitas est.

APHOR. XXVIII.

Opinio etiam, quam scientiæ hujus calumniatores de ea habent, ridicularia sane est, nec mirum talia inde sibi invicem contrariantia judicia & conclusiones evanesci; Culpantes, damnantes & vituperantes, ipsi quid vituperent nesciunt. Nihil continere Metaphysica creditur aliud, quam inutiles distinctiones, dumeta, tricas; omne sub hoc nomine intelligitur, quicquid cerebroſo homini frenorum nescia imaginatio suggellerit. Abstractiones figmenta esse putantur, quorum ne quidem vestigiumve in tota rerum natura detur; et si nihil aliud sint, niſi prædicata & theſes generales de pluribus simul rebus, ex harum in aliis aliisque attributis inter se invicem convenientia prognatae. Seorsim ab ipsis rebus vero nullo alio fine considerantur, quam ad intelligendum ſolummodo, in quantum postmodum de singulariſ ſecure & confidenter prædicari poſſint. Prout maiorem minoremve diſſerentiam produnt, diversæ classes atque ordines assignantur: Voce latioris ambitus, quæ in pluribus locum obtinet ſimilitudo denotatur, in his illisve diſcrepantiā particulař terminus exprimit. Res primum conſiderantur, exinde formatur judicium; hoc igitur in ipsis objectis fundari debet, nec descriptionibus prius ex ingenio confictis, poſtea demum ad res applicatio taliter qualiter fieri. Si has unus regulas neglexerit, ab alio corrigitur, vel revocans dein errorem vel pertinacius defendere allaborans, convincitur ejusdem vel argumentis ipſe prævalet: Enimvero in hoc videlicet nihil eſt, quod in omnibus etiam aliis pariter non valeat

at quæ ab hominibus peraguntur. Ubi concretæ ideæ abstractas produxere, sive talis vel hujusmodi esse deprehensa rei indoles nostra de re judicia, tum vero eisdem quibus reliquæ scientiæ gaudent prærogativis ac privilegiis, nulla ratio adest, cur Metaphysica sola destituta. Philosophis præterea & ipsis regulæ sunt, plura dogmata, divisiones terminos &c. comminisci vetantes, quam vel res & argumenta dantur, sive objecta quibus in natura universi existentibus in mente nostra ideæ respondent, vel opus nobis est ut intelligere simus solliciti. Hoc nimirum proverbio quoque suo indigitant: "entia non esse præter necessitatem multiplicanda", alisque cautelis ejusdem generis, quas in omni, qualemunque demum sit, negotio versantibus sana nobis præscribit ratio, & ad quas tandem ultimum resolvuntur omnes heic Eruditis factæ objectiones, quatenus quidem solidi quid continent. Peccantes in proprias leges suas, non quod meditati, locti fuerant, scriperant de arguento aliquo, in culpa sunt, sed eatenus tantummodo vituperantur, quatenus perverse id egerunt, vel aliter esse rem, ac revera est, contendere ausi sunt.

APHOR. XXIX.

Facile itaque intelligitur eorum sententiæ quid veri falsique insit, qui, si demum utile aliquid concedatur Metaphysicam continere, multum tamen abesse dicunt, ut hoc ad integrum scientiam peculiarem constituendam sufficiat, sed parvo libello paucissimisque paginis omnia comprehendi posse. Tali modo reconciliatum iri partes invicem, vel extrema saltem evitari utraque & medium teneri, autumant. Hi quidem rationibus non destituntur, si duo simul observare momenta velint, sed quibus intellectis rite examinatisque, longius nos ac antea haud esse progressos animadvertemus, in gyrum tantummodo

ver-

vertisse & unde prius egressi fueramus, eodem rursum esse reversos. Unum est, ut mitigent verba paululum thesinque minus universalem reddant, de qua te mox inferius agemus. Alterum, ut porro non de Methaphysica sola regulam valere, sed de quacunque etiam alia disciplina, agnoscant. Quo facto, nihil quod dicant aliud habere apparebit, quam par quoddam antiquissimarum veritatum & dudum notarum. Illa ex universa in genere Philosophia, non minus quam singulis in specie scientiis, omnes quæstiones quibus præter meram curiositatem nihil utilitatis inest, proscribendas rejiciendasque esse statuit; Hæc in applicatione cognitionis nostræ. artisque cuiuslibet cultura, difficilium, quin impossibile esse innuit, regulas exacte observare. Semper, nisi graviter erramus, id ad defendendos excusandosque Philosophos jure contenditur, neque in genere, contra regularum suarum tenorem peccantes, neque in his speciatim quæ subtilitatem concernunt, majoris eos culpæ quam alios quoslibet mortalium, in suis negotiis versantes, posse coargui. In Politica e. g. sive Prudentia Civili nullam pene regulam occurrere faciles agnoscunt rerum periti, atque indies experiri dabitur, cui alia haud minoris neocessitatis nec minus comprobata non opponatur, cum qua, casibus certis incidentibus, ægerrime saepius simul consistere & simul observari possit. Similia his in arte militari, conversandi regulis alibique, multa omnino sunt, sub nomine *excès de raffinement* modernis nota, ubi pariter accurratione haud raro peccari, ridicula noxiave, ab omnibus conceditur.

APHOR. XXX.

Profunditas & subtilitas ingenii in multis conveniunt. Regulæ ergo de utrisq; ferme sunt eadem & si quas in hujus doni consideratione prætermisimus, ex

iis quæ de illo dicentur in utrumque quadrantia, satis patescent. Qui in reliquarum trium dotum æstimatione debitum justumque modum tenere norunt, circa profunditatem certe haud semper eosdem se præstant; plurimi a sagacissimis errores utplurimum committuntur, & tam Litteraria quam reliqua Historia complurima habet magnorum virorum, in suo singulorum genere heroum exempla, qui tametsi & a natura excellentissimas dotes acceperint & artis auxilio vastam iisdem rerum cognitionem atque peritiam addiderint, ab admodum medioeribus tamen ingeniis, maximorum gravissimumque errorum convicti sunt. Est videlicet hominibus profunditatis ingenii abusus, ad multifariam delabendi stultitiam, cauilla & occasio. Hinc illos magnæ auctoritatis viros habemus, Semideos potius sine dubio quam mere mortales, qui per omnia rigidæ sibi soliditatis ac maturitatis laudem vindicant; quorum admirabili sagacitati universa facile patet natura & omnibus mysteriis velut denudatam se conspicendam præbet, quorumque in animum, tam eximiis donis illuminatum, nullæ unquam tenebræ penetrarunt. Hi absolute ideis imperant, pro lubitu judicia formant & ratiociniorum catenas nullis adstricti legibus connectunt. Ultimam in omnibus rationem venantur, quæ humanus unquam intellectus rimatus est: nusquam nisi plena, strictissima & apodictica certitudine contenti sunt, propriis semper, semper apertis oculis vident. Anicularum & misellæ plebis est opinari vel credere, Philosophum vero dedecet ab aliis sibi fallaciam portari permittere; ceu quem ipsum tantummodo oportet sese decipere. Non hic invidiam movere volumus, sed in memoriam solum revocare, quam dementes facere homines soleant, cum ad finem impossibilem, euunque mediis insuper ineptissimis querendum, vana se aliosve spe excitant. Hypotheses communiscuntur,

tur, sed quæ cito veritatum certarum naturam induunt, nomine saltim donantur: Horum sapientia universum eredes conditum, vel eorum ad minimum curis & providentia in esse suo conservari. Tales profecto inter Eruditos inveniuntur, sed nec solos tamen. Aut revera Divi sunt, aut ipsi saltē se putant multo supra reliquorum mortalium conditionem altius positos, quam ut in hos, tanquam viliora infecta, oculos ipsis convertere fas sit. Argumenta nostra examen eorum haud merentur & risu non nisi invidiam prodimus: ad objectiones vel plane nihil respondent, vel ita rem suam agunt, ut denuo solum de infirmitate nostra admoneamus. Ire igitur vias suas siqnamus oportet; ipsi sibi orbem & universum condunt, cuius & fatorum ejusdem ipsi quoque arbitri, moderatores & domini sunt. Nobis in illo permanendum est ubi DEus nos posuit, nec id quidem, ut la Plûche (in Hist. du Ciel) ait, "ad creandum, sed habitandum tantummodo." Ingenii tamen profunditatem in se esse excellentissimam dotem credimus, eandemque, si prudenter uti velint quibus conceditur, summæ utilitatis. Peculiaria in primis argumenta quædam sunt, in quibus plus quam in aliis, non sufficere rimandis iisdem intellectus nostri vires, perspicere datur. Atque in his sane ipsa etiam ingenii profunditas aliter quam in aliis dirigi debet; quæ ad ulterius progrediendum minoris jam utilitatis est, sed potius ad detegendas nobisque & aliis monstrandas, quæ ad utrumque latus sunt, abducentes a regia via, semitas inserviat; ad ostendendum quantum ubique ratione committantur errores & quo pacto evitari poterunt. Qui hoc modo commissis sibi talentis utuntur, næ illi haud minorem, sed longe ampliorem prioribus istis, habent perspicacitatis suæ demonstrandæ campum; & de meritis eorum, tanquam beneficiis in universum genus hominum collatis, grata semper atque cara est recordatio.

APHOR. XXXI.

Inter disciplinas, quarum utilitas cuique confessim sine prolixiori disquisitione ob oculos ponit manibusque palpanda sibi potest, Mathesis est. Unde sit, ut homines, qui nuda ratiocinia & difficilius mente asservantur & facilis eorum obliviscuntur, quamvis ante agnitorum, sed & contrario fortissime ejusmodi objectis commoventur, quae immediate in sensu incurruunt, ægre ideo hujus negare usum audeant; sicut & de invisis ibidem atque odiosis quibusdam veritatibus non admonentur, verum potius privatam suam cum reipublicæ utilitate conjunctam vident. Ex hac igitur scientia, quam proficuum esse omnes confitentur, exemplum nobis ad judicia de reliquis ferenda commode petitur. Et perspicitur quidem, inter Mathematicos non minus quam alibi, cum paucis qui titulos quibus superbunt merentur, plurimos dari inutiles. Distingvendum esse inter gigantes & heroës: Pygmæos præterea & ostentatores occurrere, gigantum & heroum simias, qui ut ut viribus vel utili opera cum his contendere nequeant, gesticulando tamen externe apparentia imitari student. Summos viros reperiri, quibus multi simul nævi sunt; plurimos omnino, qui virtua eorum sectantur, virtutes negligunt, stultitiam discunt, merita non curant. Quosdam, cum in aliis atque aliis se idoneos & excellentes præstiterint, parem in cæteris etiam successum sperare, & in rebus quas bene non intelligunt turpiter se dare; Quos perpendentes, non methodo vel scientiæ ingenium deberi, sed ingenium facere scientiam & methodum, dicimus. At vero & haec eadem a Mathesi desumpta similitudo, ad illud porro declarandum nobis inservit, quod Aph. XXIX. polliciti sumus, cur nimis, in argumento de quæstionibus utilibus refecandis, licet laudabilis prorsus in se iste contatus sit, scientia tamen ex vastis iam voluminibus ad libet-

libellos paucissimarum pagellarum reduci haud possint. Mathematicus, priusquam ipse invenire novi quid valeat, ea quæ ante se ab aliis detecta sunt, legere tenetur; pro uno alteroque problemate, quod ipse resolverat eoque scientiam auxerat, centum prius alia legerat; idque vel in genere ad ingenium acuendum, vel ut in speciali quod sibi proposuit argumento ulterioris speculationis ansam atque adminicula haberet. Quænam imprimis partes quæque propositiones olim ipsi necessariae futuræ sint, eo quo incipit tempore haud nosse poterit, sed quo plures didicerit beneque intellexerit, eo melius id eum habebit. In iis etiam disquisitionibus, ubi certos sibi limites & metam constituerat, sub eligendo ac dijudicando fieri nequit, quominus res longe plures in animo secum verfare cogatur, quam quæ postmodum, sive ad resolutionem sive demonstrationem, ei opus sunt; Quibusdam enim ad ipsum immediate propositum suum indiget, aliis ad has intelligendas, illarum causa adhuc etiam pluribus. Quod cum in Pura Mathesi suas jamdum, nec leves, importet molestias, tum vero in Mixta novæ insuper & multæ nascuntur difficultates, quæ tam singulæ, quam in plurimum invicem comparatione, peculiaria itidem scrutinia requirunt. Cæterum diu perstitti mundum recordemur, bene multis tam theoreticis quam practicis absque Mathematicorum inventis, felicesque non minus quam postmodum homines vixisse, quibus impræsentiarum carere nequimus; si non ideo quod per se necessaria toti orbi sint, propterea tamen, quod ab omnibus rejici simul non possint, quo efficitur, ut unus deterioris quam alter non esse conditionis, vel necessitate cogatur, vel ipse saltim velit. Multa quibus haud scitu nobis opus esset, non ideo tamen ignorari aut negligi præpostera sinit curiositas; unde necessitas oritur, doctrinæ de istis rebus puritatem conservandi, utpote qua corrupta & curiositate sine re-

gulis, sine frenis relictâ, errores alioqui propullularent, quibus & intellectus noster obrui tenebris & voluntati com- modissima dari ansa posset, pro omni cæcitate omniq; ma- litia sua, brevissima confestim via, ad propriam nostram & aliorum perniciem, miserias atque exitium pergendi. Nonne hæc enim in aliis ratio est, cur v. c. in Historia Ecclesiastica teterimarum hæresium improbissimarumque blasphemiarum hodieque memoria conservetur, licet o- ptimo alias jure mererentur atra obduci æternæ oblivio- nis nocte?

APHOR. XXXII.

Quæ sic autem differimus, cum grano salis sumen- da sunt, ne inde ad necessitatem, quævis & cujuscunque demum generis somnia prisci ævi sollicite revocandi, præ- postere concludatur; sed sufficientis solummodo inculce- tur hujusmodi cognitionis acquisitionis, quæ in præsentî mundi hominumque statu potissimum requiritur, ut in regia veri via calcaria sedulos nos & constantes præ- stare possimus. Urgentes enim rationes licet habeamus, artem respectu brevis nostræ vitæ prænimis longam facien- di; attamen, extraquam quod ipsius rei indoles & alii homines quemlibet ad hoc artis cuiusvis cultorem, sicut diximus, adigant, ne id quidem temere negandum, in- epte sæpenamero inutilibus multis in omni genere com- mentis excusationem hinc peti. Fit nimirum prout in re civili quoque contingere observatum est, ubi multo minori haud raro munerum & ministrorum numero lon- ge celerius & melius negotia peragi potuissent, quam dum v. g. duo dependuntur denarii, ut quorsum tertius evaserit sciatur. Egregia sane res esset, si frena curio- sitati & immodico subtilitatum amori ponentes, prout supra Aph. XI. monimus, quidvis limitationis intelle- ctus nostri virium documentum, in eodem ac cætera in- venta honore haberemus. Excellentissima quippe inge- nia

nia magnopere hoc commendarunt, quique rite id percepere neutquam ideo a prudenti disquisitione absterrunt; Hac regula munitus intricatissima etiam argumenta tractare audebis, sine eadem saepe in clarissima luce ut in tenebris oberrabis. Qui sit igitur, ut persæpe adeo nubem illuc pro Junone amplectamur? Varias vide-licet animo notiones revolvimus, alia aliaque detegimus, & inventorum a nobis met, amore capimur, ulterius continue progrederi annitimus. Notitiæ claræ utilitates intel-ligimus & distinctiones in disquisitionibus magna esse ad-minicula experimur: Scientiæ prærogativas sentimus, quidque perspicere res, deliciarum contineat. Sic in immodicas & sine fine subtilitates incidimus, sic omnium in tota natura rerum rationes reddendi furor enascitur. Tandem ejusmodi perspicuitas oritur, quæ si non perse, tamen ob arctos intellectus limites, multo confusiores, ac antea fuimus, nos facit: Eruditi reperiuntur, res ex claris obscuras & intricatas reddere, quam obscuris lucem inferre promtiores; prout Medici quoque dantur, ex sanis ægrotos, quam ex ægrotis sanos facien-di, melius artem callentes, atque Caussidici, qui cum magna lege cludendi, calumniandi cavillandi sagacitate, Judices tamen ineptissimi sunt. Quæstiones otiosæ gignuntur atque intricatissima de rebus, ubi nulla prius incertitudo fuerat, dubia; innumeræ lites & controver-siæ, sine magna quidem in totali discrepantia, de levioribus tantummodo circumstantiis. Profecto, si homines atque aliquando revera ac in externe apparentibus, in factis non minus quam dictis, differentes atque diversi a se invicem evaderent, magnopere veremur, ut perstare mundus diutius quiret. Certus quidam circulus orbisque est, intra quem cogitandi facultatem nostram exercemus, cujus virium quam experimur circumscriptio, ex rerum pariter, quibus circumdati sumus, certo nu-mero

mero dependet. Hæ res, cum nullarum sane aliarum
 dum nascimur adhuc notitiam habeamus, unice etiam
 omnium quas postmodum fingimus perceptionum occa-
 siones præbent. Ideæ vero, quas sic allequimur, innu-
 meris equidem modis comparari, conjungi & opponi si-
 bi possunt, sed licet ad quamvis paulo majorem differen-
 tiam, diversas plane res invenisse nobis videamur, prin-
 ceps tamen negotium haud ulterius quam antea perdu-
 etum est, atque ita omnia, quæ vel cogitamus vel loqui-
 mur, eadem nihilominus semper permanent. In bonum
 ergo nostrum, neque sine peculiari DEI providentia, sic
 ordinatam naturam rerum habemus, ut illæ tam physi-
 cæ quam morales veritates, quibus in vita communi ma-
 xime opus est, adeo cuique dilucide ob oculos positæ sint,
 ut haud magno labore, omnique sine prolixo examine,
 intelligi queant, sine peritia difficulter acquirenda vel ul-
 lo ingenii raro acumine manibus quasi palpari. Quocirca
 & omni tempore plus minusve agnitæ fuere, & sæpi-
 sime tum quoque plurimæ parti, licet insciæ, agendorum
 regula extitere, cum a dominantibus pestilentissimis er-
 roribus fusas penitus fugatasque, externe appareret. Quæ-
 stiones autem Philosophicæ, rationes sufficientes, argu-
 menta apodictica, a primis jamdum eruditionis initiis
 multum agitata, controversa & plena dissensionis inter
 Eruditos fuere; Quando finientur, quid utilitatis produ-
 xerint, quam sæpe in novis verbis novæ res latuerint,
 quotque vicibus inceptus, continuatus, absolutus iterum-
 que receptus idem gyrus fuerit, haud facile quispiam
 dixerit. Seculorum post rixas, in eadem ac antea fue-
 rant incertitudine argumenta relicta, eum prius ventila-
 tis eadem esse visa, paululum ideo oblivioni tradita, sed
 mox a recentiori aliquo sub nova forma denuo in sce-
 nam reproducta sunt: atque jure ergo concluditur, licet
 perpetuo immotum maneat, veritatem unicani & erro-
 res

res esse innumeros, ut plurimum tamen differentiam, quæ inter pugnantes invicem opiniones, post institutum nexus totius systematis examen, detegitur, fructusque ex tali labore percipiendos, ne dimidiā quidem molestiarum, quas sub inquirendo quis devoraverat, partem compensare. Videbitur interdum, uno quasi obtutu Historiam Litterariam consideranti, plura hic posse dici, quam palam profiteri, ne vehementius irritentur *crabrones*, consultum forsitan esset. Diversas e. g. diversis temporibus, sive prudentes sive præposteras, in disciplinis pertractandis, in docendo & discendo methodos, nec non periodicam scientiarum, aut eam quam diximus falsarum rectarum-ve sententiarum, in cæteras dominationem, aliaque similia, minus semper argumentis, vel argumentorum alterutra ex parte defectui deberi, quam aliis caussis atque casibus, facile quivis a partium studio alienus intelliget: Unde haud raro fieri solet, ut *quæstione facti*, per longe alias ac antea consuetudines opinionesque receptas, dum decisa, hic illicve alicui Eruditorum, multis postmodum seculis, *quæstio juris* otio fallendo inseriat; sicut in *controversia*, de *lingvarum Eruditarum* in orbe Litterario necessitate, factum videmus. Frequenter itidem, tam inter doctos fit quam in Ecclesia contigisse observatum est, ut maximæ turbæ inde solum enascantur, quod recentior aliquis, cum imprudentius initio a liquid dixerat, paullatim præter opinionem suam compellatur ad funestiora molienda; indicta nempe causa huic vel illi antiquæ hæresi, istiusve Philosophi erroribus favere, & ex consulto res machinari publicæ hominum generis utilitati exitiosas, judicatus: Ubique fere privatis ex commodis totas lites omnesque motus, tam favores quam odia fuisse exorta deprehendimus.

APHOR. XXXIII.

Protervæ dictum esset, si istæ tam simplices tamque claræ veritates, quas de subtilitatis profunditatisque ingenii usu & abusu adduximus, haud intellectæ esse plurimæ Philosophorum parti statuerentur? Vel num sponte potius easdem, deliberatoque consilio, contemni credendum? Posterius affirmare, nimis durum foret; prius, in rebus tam facile perspiciundis, vix possibile videtur. Sed vel in hac, sine dubio, quam de simplicitate eorum omnes habemus, opinione, caussa latet, cur vulgo satis esse putetur, sola eas memoria tenere & quasi prætereundo aliquando animadvertere. Vetus de omni cognitione nude theoretica, negligentius tractata & in frigidis tantum speculationibus consistente, querella est, totam scientiam nostram, ubi ad applicationem pervenitum fuerit, non nisi ad perplexos nos reddendos inseruire & in prolixa quadam disquisitione plurium possibilium relinquendos; quæ possibilia cum suis, & hæc rursum cum eo pertinentibus aliis notionibus, ita demum accumulantur, ut consilii omnino inopes evadamus, nulaque amplius electio & dijudicatio fieri queat. Habitus nimirum & peritia requiruntur, utque casus frequenter obvenientes certitudinem dederint & confidentiam edocuerint: Non esse modo sic vel ita rem scire sufficit, sed quomodo id evenire possit, nosse præstat; unde etiam errores oriri soleant. Usui ubique & exercitio adscribendum est, quod confessim, ubi opus, genuinæ potissimum perceptiones menti obveniant, sine operoso labore formetur judicium & absque oppositi formidine conclusio eruatur. Attamen, limitatum esse intellectum humanum, vulgaris quædam est veritas, quam pueri quoque in Scholis norunt, & hoc dicere, id vero non est laudes mereri, nullum eo perspicacitatis nostræ documentum editus. Fit ergo cum Eruditis, sicut cum robustis quoque

&

& animosis affolet. In thesi generali facile concedunt, artem vel vires suas infinitas r̄inime esse, & multos in his se quidem multo antecedere posse; speciali autem casu incidente, vitam perdere malunt, quam aliis palmam cedere. Ubi legibus e. g. vetantibus aliqui fortitudinis famam, nisi cum sanæ rationis suæ ignominia, mereri nequeunt, lubentissime t̄ti mundo stultitiam suam probant, ferarum ad instar periculis se exponentes, ubi nec ipsis sibi, nec aliis, vel minima successus appetet probabilitas. Erudito permittitur, in vita communi levioribus que negotiis, hoc vel illud se nescire profiteri, dubio adhuc aliquid esse obnoxium dicere, & temporis, pleniorum notitiam daturo, relinquendum; Sed in sublimioribus argumentis, ubi summam prudentiae necessitatem ipse s̄epius agnoverat, omnia potius quæ singi unquam poterunt comminiscetur & figmentum stabilire figmento allaborabit, quam rem non posse comprehendendi fatebitur, seve rationi ejus reddendæ haud sufficere. Quin eo usque furore isto proceditur, ut postmodum etiam glorientur, haud se omnia, quæ in scriptis adstruxerant, credere. Exempla in aliis Cartelius & Leibnitius producuntur. Tametsi enim evidenter demonstrari nequeat, vel illum Physiologiam suam Fabulam Romanensem appellasse, vel hunc eas, quas in Theodicæa contra Baylium vindicatum ivit, veritates in animo risisse, uterque tamen satis probatum dedit, causam se minus ac fas erat serio egisse, maxime vero quam Leibnitianum decuisse ingenium, & in rebus ubi DEO, cuius de gloria quæritur, haud iisdem sane, quæ inter homines valent, excusationibus fit satis.

APHOR. XXXIV.

In quæstionibus igitur, ubi maxime infirmitatem nostram prodimus, illa est, de propria nostra & aliarum rerum prima origine, an DEUS sit, numve existentia e-

jus probari queat? Immo vero, & dum maxima omnino, ut dicebamus, circumspectione esset opus, maxime quoque frena curiosæ nostræ imaginationi laxatus: nec mirum Turcis e. g. prodigiosum videri, quod Christiani adeo inter se dissentientes fluctuantesque de veritatis sint, quarum nullis aliis gentibus certitudo in dubium vocatur. Si eo usque differre & procrastinare si dem revelationi habendam voluissemus, dum Philosophi principia sua evidentia & apodictica, demonstrationesque rigidas essent absoluturi, dudum jam de toto terrarum orbe Atheismus triumphasset. Inprimis vero clare id apparebit, si perpendamus, argumenta quæ uno seculo pro omnium fortissimis habita fuerant munitissimisque religionis propugnaculis, altero rursus indignissime sive usse contemni, quin hæresibus fere annumerari. Eisdem adhuc de quæstionibus controversantur, ac dum in incunabulis quasi eruditio latebat, eædem contra Christianismum objectiones producentur, ac circa primas ejus origines. Fortes qui salutari avert spiritus, utcunque etiam de sagacitate atque acumine ingenii sui glorientur, nihil tamen faciunt aliud, quam alter alterius, aut prisci ævi nugatorum ejusdam, sibi invicem nobisque mansa porrigit. Parum ipsis refert, quid dicant quemque sequantur, quid credant cuive pareant, modo ne DEO vel ejus verbo obsequantur. Audendum est, opinantur, sive lucrum redundet sive damnum; primas, quæ maxime sunt necessaria, curas postulant, gravissimaque primo erunt impedimenta submovenda. Para ta semel licentia, nullo negotio quæ postmodum erenda sunt inventur, nam hic etiam locum habet quod ait Ovidius: "dependitque fides a veniente die." Qui a nostris e contra stant partibus, & magnopere se humanitate sua DEUM sibi devincire autuant, dum excellentissima scilicet, ad caussam ejus defendendam, ar-

ma

ma commodant, ne hi quidem nisi ejusdem ferme, ac irreligionarii, habent pretii merces, easdem perpetuo nærias canunt: Neque jam tamen nisi de abuso tantum loquimur, alioquin enim iisdem objectionibus eadem responsa optime inservire, nemini ignotum est. Risus igitur, an lacrymis, dignum putabimus genus humanum nostrum, eadem hac occasione disciplinæ *Al-Calum* Saracenorum recordantes, quæ & illos ad suæ (at ejusmodi quæsto!) revelationis cum ratione convenientiam evincendam philosophicas in promptu demonstrationes habere docebat? Nec minus gentilium Eruditi, idolatriæ patrocinari dogmataque sacrificiorum suorum, vel ipsum adversus DEUM, probare ausi sunt: Nostrarium hodie quot fore existimas, qui æquo ferrent animo, si censuram in systemata Polemica eorum exercere vellet, vel stringendi vim argumentis quibusdam apodicticis denegare? Aut magnopere fallor, aut DEUM profecto facerent Atheum. Videtur vero non levis subinde differentia intercedere, inter domesticam, ut ita dicam, conscientiæ methodum, suis faciendi dubiis satis, & philosophicam illam, quæ in libris adhibetur. Perpauci videlicet religioni nostræ genuini & sinceri sectatores sunt, quorum superne securitas dependet. Qui vel paululum delicias virtutis, primisque labris prægustarunt, qui aliquoties jam experti sunt, discrimen interesse inter id quod malæ & quod bonæ actiones ad animi tranquillitatem conducunt; his haud facile istius tranquillitatis & securitatis suæ fundamenta cum splendidis periculis, aut subtilibus commentis verborumque inanibus ampullis, fore commutanda credimus. Fluctuantes sunt multi, qui & quid credant ipsi nesciunt & contristantur recordatione agendorum: Verum certumque rationibus, sive pro sive contra allatis, quid insit, perpendere haud nosunt; huc modo, modo illuc, tanquam ventis, feruntur.

Enim enimvero, tanta est, ubi vel nulla vel non serio medicamina querimus, infirmitas nostra, ut cum confixos mox singulis quibus impetum telis nos putemus, tum quoties icti nobis videmur, toties & mortuos credamus.

APHOR. XXXV.

Appellatio ad forum conscientiae tamen intellectus ratiocinii non excludit; Sed quomodo hic nos gerimus? Argumentis Physicis, Historicis &c. quae Aphor. XXVI. indigitavimus, nulla stringendi vis inesse dicitur, nisi quam ultimo a Metaphysicis mutuantur, ad quae demum omnia resolvuntur (Cfr. sis nihilominus Aph. XXVIII.). Voluntas sola nostris in castris militans nihil efficit, nisi ab intellectu adjuta sit, & convictio requiritur, ut persisti in opinione & proposito queat: Ratiociniorum rejectio ad Fanaticismum ducit, qui tum in temporaliibus tum spiritualibus non minus noxius est, quam religionis omnis negatio; cum Baylius aliquique demonstraret, ex superstitione quam Atheismo plura hominum generi damna fuisse enata. Tamen exigua videlicet, quod in transitu notasse sufficiat, Atheismi est cum sana ratione & hominum felicitate convenientia, ut nulla adhuc respublica ostendi queat, ubi Legibus receptus fuerit, quare & nihil de ipso tantis exemplis probari potest, utpote quibus indolem suam prodendi hactenus occasiones non habuit; Satisque hoc ipso igitur probatum dedit celebris dubitandi magister, si etiam libera multitudo alicui inter utraque extrema optio concessa fuisse, adeo tamen ad religionem, eaque quibus innititur principia agnoscenda, naturam nostram esse formatam, ut ad malas quoque actiones palliandas, probabilia scilicet praeferebant primo jamdum intuitu absonis apparentibus, zeli praetextum malimus, quam apertam impietatem improbitatemque. Ex veris autem principiis falsas homi-

homines conclusiones eliciunt, verique viam quærentes
 ad quævis deferri devia possunt. Tutiora ergo bo-
 norum in corde motuum fundamenta scire optamus,
 principia & demonstrationes veritatum moralium quas
 dictat conscientia, nosse satagimus. Convictio haud ob-
 tinetur, si in primis mox perceptionibus subsistamus, ul-
 terius progrediendum est, atque ab initio ad finem usque
 series consequentiarum percurrenda. Sed proprius jam a
 meta remotis, in ultimis ad quas pervenimus notioni-
 bus, obex & murus quasi objicitur, quem supergredi
 nequimus. Parati esse mus ad omnem scientiam omnem-
 que et titudinem negandam, de omnibus dubitandum
 & in Scepticismum, qui in Philosophia idem ac in Theo-
 logia Atheismus est, incidendum; Verum eosdem quos
 ascenderamus gradus rursum descendentes, multa nobis
 neganda fore animadvertisimus, quæ tamen vel manibus
 comprehendi possunt. Placet nihilominus quibusdam
 licentia, undique subtilitates circumspiciunt, & quæ ipsos
 interdum angit inquietudinem, alias lassitudi volupta-
 te compensant. Innumera ita comminiscimus, & cujus
 quæso ingenium feracius esse poterit, quam hominis
 cui sibi ipsi imponere propositum est? An sensus etiam
 fallant, denique nescimus: Sensusne videlicet in pro-
 pria causa judicessumemus, dicemusque, e. g. nonne ip-
 se vides aliique omnes vident, recte te videre? Vel
 num a ratione potius consilia petenda sunt, ratioque
 nobis dictabit, rationis in omnibus decisionem esse pro
 optima habendam? Quid statuamus ipsi haud scimus;
 omnia falsa credimus quæ contradictiones important, &
 nihilosecius vix adhuc novimus, quid per contradictori-
 um esse, infelligendum sit? Ut cunque autem cum his
 omnibus sit comparatum, certum est, in summo homi-
 num scientiae fastigio frequentissima occurrere infirmi-
 tatis eorum documenta, & DEUS scit cogitationes fa-

pien.

pientum vanas esse (Psalm. XCIV : ii. 1. Cor. III : 20.). Hac sane agendi ratione Phantastæ non solum haud coar-
guuntur stultitiae alicujus, sed et confirmantur potius in er-
roribus suis.

APHOR. XXXVI.

Recurrit identidem quæstio nostra, quid est ergo sa-
pientia hominum? quomodo comparata & cujus pretii,
tam quævis in genere quam hodie speciatim florens? Quid
perspicacis ingenii viri officium putabimus, qui bene per-
pensa re, totius Philosophiæ modernæ miserum revera in-
tellexisset habitum esse? Fluētusne in simpulo movere &
reformatorem se facere, errores in sectando, præjudicia jugu-
lando, rumoresque excitare jure tenetur? Immo hoc forsitan.
Ego vero, si hujus in loco essem, in omnibus quæ pesti-
feras & in articulis fidei hæreses non incrūstant, plane
tacerem, quiescerem. Multorum seculorum experientia &
novissime controversiæ Wolfianæ satis superque compro-
barunt, quam parum omnino id sit operæ pretium, in eru-
dito orbe Herculem agere & monstra debellare; quippe
quorum abjectissimum quodvis, pejus longe & periculosius
hydra Lernea hic est, minima sanguinis occisorum gutta
plura novorum millia, centies prioribus horrenda magis
atque tetrica, progenerante. Præterea quoque iniquum
valde & ingrati putarem animi, citra omnem necessita-
tem, non ignotis modo, sed amicis etiam, fautoribus &
Promotoribus optimis molestum me præbere, & media ut-
ut luce, at securè tamen dormientes, ad arma bellique
perterendos labores provocare, ceu quorum, magna ex par-
te, diutina sub pace desuetudo fortassis jam eos cepit:
Dum vivunt, potius dicerem, otio fruantur, mortuorum
que itidem *molliter ossa cubent*. "Avec aussi peu de rai-
son, ait Fontenelle, qu' en ont les hommes, il leur faut
aurant de préjugés qu' ils ont accoutumés d' en avoir.
Les préjugés sont le supplément de la raison; Tout ce
qui

qui manque d'un côté, on le trouve de l'autre." Neque hunc agendi modum aliorum tantummodo commodi ergo eligerem, sed & propriæ utilitatis insimul atque famæ eurandæ bene memor; Certum enim est, in controversiis Eruditorum tantum non omnibus, felicissima etiam ingenia hoc ultimo denique fatum manere, quod eleganter non minus quam solide recentiorum aliquis patriæ nostræ Maronum his expressit verbis: Gudomligetens högd ditt djerfwa snille delar, Men på den jämna wäg där dären fällan felar, Du gör ett plötsligt fall. De Chr. Thomasio ni fallimur refertur, quod caussam aliquando, cur Lectio-nes privatum lingva vernacula inchoatas, publice non nisi Latine continuare vellet, hanc prætulerit: "aniculas opificesque forte in Auditorium venturos & ejusmodi quisquiliis atque ineptiis Eruditii tempus tererent quæstumque facerent perspecturos." Id unicum ad hæc adjicere non pigebit, quæ sic de Eruditis disserimus non nisi vulgares de omnibus in genere hominibus veritates esse. In aliis, nota illa observatio occurrit, multo subtiliorem sæpe callidiorumque ac revera est, mundum supponi solere. Quod sicut in majoribus ita & in minoribus negotiis accedit: certant Historiæ, antiqua & recentior, utræ plura exhibere hujus rei documenta valeat? Quidam magni eventus sunt quorum in chirothecis, litteris permutatis, somno intempestive impedito e. i. p. genuinas caussas invenimus; plures adhuc multo leviores habere origines potuerunt, quos summæ tamen eorum qui rebus præsunt sagacitati atque peritiæ deberi, jam & imposterum tuto licebit credere. Pauci videlicet Ministri (veniam verbo exoramus) sunt, magno cum Oxenstjernio ingenue fatentes: "quantilla prudentia regitur orbis"!

APHOR. XXXVII.



ecensis jam dotibus, quibus a natura præditus esse debet Eruditus, explicatoq; quantum ad institutum opus est, quomodo a genuino solum cujusq; doni usu laudes & merita ejus dependeant, facile perspicitur, quid igitur hoc nomine in primis intelligatur? Promiscuas afferemus de eruditione in genere observations. Clarum est, utilitates ejusdem haud eo absolvi, ut certi tantummodo homines sint, ingenio, rerum notitia & singulari præstantia ab aliis distincti. Finis ob quem vivit homo, ratione ipsius est felicitas; ad quam obtinendam cognitio requiritur, quid illa sit? Conditio autem nostra valde corrupta est, multaque impedimenta, quominus felicitate optata potiamur, cum quoad corpus tum quoad animam adsunt. Illa varii sunt generis, hæc vel ut ad arctam virium intellectus circumscriptiōnē natales referentia, vel ad perversam & ad mala propensam voluntatem, considerantur: unde proveniunt ignorantia & negligentia, desideria temeraria & affectus immodici, damna lucri loco reportata. Qui ejusmodi vero impedimentis, sive intra nos ipsos sive extra existentibus, tollendis, sibique & aliis ab iisdem liberandis, operam dat, mediis genuinis hunc ad finem conduceatibus studens, plus minusve vocatur Eruditus, prout longius vel proprius a meta est remotus: Cumque nimis adhuc generalis hæc descriptio videatur, distinctionis ergo major, quam quæ in vita communi vulgo obvenit, cognitionis gradus requiri solet. Clare apparet, omnibus scientiis tantum, adeoque nec majus nec minus, pretium esse statuendum, quanto majorem suam minoremve operam ad communem finem obtinendum conferunt. Eas e contrario quæ nihil ad eundem juvant, utcunque illustria virium suarum documenta iisdem ingenia hominum dederint, ut-

cun-

cunque admirandas res præstiterint, nihilo secius, aut per se aut ob conjunctum sibi abusum, noxias inutilesq; fieri.

APHOR. XXXIIX.

Genuinum ergo decet Eruditum, omnes ejusmodi noxias artes rejicere, utilissimarum etjam quarumlibet abusum abhorrire; neque in hoc sine delectu cæcique tantum ad instar secutum dominantem seculi sive veram sive falsam sententiam, sed certitudine ductum distinctisque indolis ipsius rei ideis innixum. Ex altera parte nihil eum oportet, quod in se utile est, præjudiciis, odio, invidiæ partiumque studiis deditum, cerebrosum aut incerto quodam mentis impetu abreptum, unquam damnare. De principatu contentiones, quæ inter diversas scientias earumque cultores agitantur, haud minoris stultitiae signum putet, ac invidas inter aliorum aliorumque vitæ generum homines in societate civili altercationes. Cujusmodi quidem litigia, non modo commune quoddam, singulis qui singulas disciplinas excolunt, vitium sunt, sed & in duas præprimis factiones, sibi invicem oppositas, easdemque iterum in minores subdivisas, universa pene respublica litteraria discissa est. Tertium & intermedium genus sunt, qui (prout Participia in Grammatica) cum peculiaris esse classis videntur tum subinde ad alterutram priorum referre se vel referri sivevere. Principes primæ factionis, vel illi saltem in quos plurima ingeruntur adversariorum tela, Metaphysici sunt; cæteri Logici, Morum doctores rel., una cum quibusdam qui interdum proprii esse juris volunt, interdum a Metaphysicis pro feudatariis habentur, ut Psychologiæ, Theologiæ Naturali e. s. p. dantes operam. Medium classem, eorum qui vel sub alterutrius duarum militant umbone, vel quos illi ab altitudine fastigii sui, ceu viliora se lon-

ge insecta despiciunt, quo hi intellecto exasperantur & regnum habere peculiare videri volunt, Litterarum Elegantiorum cultores constituunt. Alteri parti nunc Mathematici, nunc Historiae Naturali studia sua consecrantes, duces se præbent; post quos Physici, conterminis utrorumque possessionibus occupatis, inter utrosque habitant: Has etiam ad cohortes pertinentes, earumque se clypeis tegentes insuper sunt Mechanici, Oeconomi, Chemici &c. Ambabus autem factionibus assidua invicem bella sunt. His adversarii sui non nisi stulti & haud compotes mentis somniatores appellantur, inutiles societati & ignava prorsus opera homines. Ab illis vicissim ipsi vocantur genus bipedum nihil nisi quod manibus præhendere datur intelligens, nullius rei alias perspiciens usus nisi quæ immediate per thaleros & denarios calculari potest, sensuales bestiæ quibus ultra quam nasus porrigitur nec ratio suppetit. Communiter tamen primæ classis rara admodum Victoria est, cum alterius a partibus optimates & auctoritate valentes stare soleant; quippe quibus, sicut omnium pene in genere mos hominum est, ea maxime non possunt non æstimari, quæ oculis usurpare possunt quorumque facillime ad reipublicæ suæ utilitates promovendas operam detegunt (Cfr. sis Aph. XXXI.). Vulgarem nimirum consuetudinem receptam esse, in his aliquaque ejusmodi disquisitionibus, initia pars conqueritur, incolarum numerum opumque abundantiam pro solis, ex quibus regni alicujus potentia dimetienda sit salusque civium promoveri dicenda, regulis habere. Talem itaque regnandi artem fingi, quæ major equidem hominum multitudo obtineri videtur (tametsi & hoc, si sollicite magis examini res subjiciatur, valde obnoxium dubio sit,) sed ejusmodi sane hominum, qui nec ad gloriam Creatoris, nec ad suam aliorumque veram felicitatem promovendam idonei sunt, nec in re-

gnum

gnum cœlorum intromitti possunt, nec in terris esse utiles; quorum nec in bello centum amplius millia eandem ac virorum antea sedecim vel viginti, operam præstant, saltem non nisi quatenus cum sui similibus rem habent; nec major in pace industria est. Circa utrumque genus nihil etenim norunt nisi molliter delicateque vivere, & sustentatio igitur eorum, sit vel decies etiam abundantior reddita sive publica sive privata unde alendi sunt copia, molestior & difficilior multo evadit, quam majoris numeri olim fuisset, facultatibus licet longe tenuioribus existentibus. Valet hoc scilicet primo de optimatibus; sed & pari obtinente proportione ad mediocrem infimamque sortem extenditur (Cfr. sis Aph. XXIII.). Ubique homines ut animalia considerantur, quorum tota felicitas solis obtineri sensualibus bonis queat; ut media tantum civitatibus conservandis destinata, quasi harum ergo illi creati, non vero illorum gratia hæ institutæ essent.

APHOR. XXXIX.

Sunt qui, nescio quam & cujusmodi venditantes sapientiam universalem, eos contemnunt, qui certas tantummodo scientias, vel earum quoque certas duntaxat partes, excollendas eligunt. Quas respectu hui ipsius heic observandas Eruditus habet regulas, eas infra commemorabimus. Judicaturus de his rebus, perpendat necesse est, qua ratione perceptiones seu ideæ universales oriantur (Cfr. sis Aph. XXVIII.); Quod quidem, cum in qualibet in specie disciplina tum in pluribus simul summis, earumque inter se invicem nexus intelligendo, pari modo requiritur. Sed & caussas prolixitatis scientiarum (Aph. XXXI) nosse oportet. Neque enim cum Litteraria quam aliis rebus publicis aliter comparatum est: Ad omnem in genere civitatum administrationem, diversarum quæ totum constituant

partium notitia requiritur, & qui de universo orbe eruditio
 sententiam ferre vult, tam in variis quæ inibi tractan-
 tur scientijs versatus esse debet, quam specialibus quæ ad
 quamlibet partem pertinent argumentis. Quo vastior in
 utroque casu notitia ejus peritiaque est, eo sane accuratio-
 ra de singulis judicia feret; ob arctos autem intellectus no-
 stri limites sæpe accidit, ut confusa rerum non bene per-
 ceptarum collectio instituatur, nec justa in colligendo ob-
 servetur proportio, sed in quibusdam curentur levissima
 quævis, in aliis potissima quoque negligantur; uade sit, ut
 multi operosissimo licet adhibito labore, haud eo secius val-
 de inepti sint. Hoc tamen nihil obstat quominus, in ge-
 nere dicendo, illi Eruditorum qui singulis tantum partibus
 industriam suam consecrant, non minoris sint utilitatis quam
 cæteri, atque jure ideo comparentur artificibus inferiori-
 bus, quorum est minutiora elaborare, ab aliis postmodum,
 ut totum opus perfectum reddatur, apte componenda &
 ad genuinos disponenda usus. Tametsi equidem illi quam
 hi excellentiori ut plurimum ingenio videantur prædicti es-
 se debere, inde tamen non sequitur revera quoque tale id
 eos habere. Ita enim est, sive cum Eruditis sive artifici-
 bus, totaque insuper illa, quæ magnopere adeo prædicatur,
 melioris deteriorisque fortis hominum distinctione, compa-
 ratum, ut ii qui in certis modo partibus versantur, si plu-
 res simul tractare voluissent, atque infimi, si in potiorum
 circumstantiis locoque fuissent positi, læpissime longe his
 meliora præstisissent. Cum utilitas communis id svadeat,
 ut quidam quibusdam dyntaxat & levioribus se occupent,
 hi profecto gratum a reliquis animum exigendi jure gau-
 dent, minime vero contemni merentur, quippe quibus justis-
 simæ rationes dicendi sunt: "aliis inserviendo consumimur,"
 vel illud Virgilii: "sic vos non vobis." Quomodo vide-
 licet insignia illa præclaraque in variis disciplinis variorum
 systemata haberemus, in Historia Ecclesiastica Litterariaque,

in Antiquitatibus &c., nisi ab aliis prius seorsim elaborata particularia argumenta fuissent? Sic & illi laudem merentur, qui totam per vitam nihil faciunt aliud, quam linguis navant operam, quamvis certo respectu cum eo componantur, qui omnem rem suam in clavibus coemendis consumeret, nullam ipse habens arculam, aut pecunias quibus condendis eadem indigeret. Nec dissimiliter qui in auctore aliquo antiquo illustrando, vita Eruditii unius tantum describenda, membranis cum blattis tineisque luctantibus luci restituendis, eruendis e terra cultris sacrificis nummisque rubigine exesis, putridis urnis ossibusque &c., ætatem terunt, ipsi quoque utiles se præstant; pene dixerim qui vasti voluminis commentarios exarant de crepidis Romanorum vel cauda Bucephali. Wolffianorum nempe in castra transfugere animus propemodum jam esset, sollicitaque subtilitates undique circumspicere, quibus egregia imperfectionis in partibus, ad perfectionem totius absolvendam, opera demonstraretur.

APHOR. XL.

Licet autem ita eos, qui certis solum scientiis scientiarumque capituloibus elaborandis se tradunt, laudandos esse putemus, inde tamen, si hæc cum aliis rei momentis simul sumantur, haudquam sequitur, eorum furorem excusari, qui immodico ducti unius, cui ipsi student, disciplinæ amore, quæcumque demum illa sit, non solum nunquam nimis excoli eandem posse statuunt, sed & omnes singulique homines hinc unicæ ut se consecrarent, valde exoptare non dubitant; Cujusmodi præposterus zelus, certis adjutus circumstantiis, non exigui temporis periodos effecit, quibus quasi quadam insania mortales agitati, solas, cum cæterarum neglectu, has illasve scientias ubique crepare svererunt. Dialectica ætas Scholasticorum & secula duo, unum Criticum, Oeconomicum alterum, notæ res sunt; Speciales regnorum rerumque publica-

blicarum historias pervolventibus, plurima exempla adhuc alia occurunt. Damnum in eo est, quod non modo parum sic utilitatis quam nobis pollicemur obtineamus, sed & innocentes scientiae invidorum calumniis exponantur, quae postquam singulæ singulis temporibus regnarunt, tanto majori postea contemptui sunt. Confusio quoque & variæ turbæ in muneribus exoriuntur, dum quilibet, quod suum est posthabito, gustum sententiamque dominantem sicut torrentem sequitur, sive congruat hoc studium cum iis rebus, quæ præcipue curæ ei esse debent, sive non; Quod sane a genuinis scientiarum cultoribus minime probatur. Sunt tamen qui contendant, stultum ejusmodi fervorem ad communem utilitatem promovendam conducere. Sed paradoxa, ubivis & in genere, periculosa sunt, meliusque esset, si minori cum sagacitatis specie, prudenter magis loqui homines disserent. Saniores semper necessariam opinionis suæ explicationem addunt, vel ex ipso verborum sensu, nexuve periodorum, clare videndam sistunt, quos quidem, sicut alias nullibi, ita neque heic ob oculos habemus; Cæteri, et si nullius etiam ailius essent culpæ rei, ob ambiguitatem tamen, aut animi levitatem, vanam curiositatem vel insolita sine discrimine quævis venandi pruritum, vituperandi sunt. Sic e. g. luxus utilitas prædicatur, varii in genere inordinati hominum affectus laudantur; si sana ratio ubiq; regnaret, nihil omnino in mundo agi aut fieri, sive boni sive mali, posse dicitur; integrum civitatem, solis prudentibus & solidæ cognitionis rerumque peritiæ civibus constantem, infelicem futuram; & nescio quot non similia, ubi veteres sententiæ, novis inducæ vestibus, exprimia, si superis placet, ingenii aciei documenta venditantur. Nec enim aliud ullum tam vulgare est, quam ad mali necessarii per se & absolutam utilitatem ex hypothesi conclusio, ubi nimirum malum istud omnes, quas cæteroquin excitare valet, turbas movere jam prohibetur, vel ubi ad bonum finem per Divinam prouidentiam directum est; cuius proinde a

inde, tanquam sapientissimæ, exemplum itidem homines
 virtute & ingenio præditi, majori minorive in admini-
 stratione sua, venerabundi recte imitantur, quantum qui-
 dem ab hominibus fieri potest. Quoad hujusmodi ve-
 ro quæstiones, quibus in examinandis diutius nobis
 morari non permittitur, ut fundamenta atque princi-
 pia, ex quibus maturiora judicia, notatis notandis,
 formari queant, antiquissimas quasdam, simplicissimas,
 ubique comprobatas & a quibusvis facile agnoscen-
 das veritates commendabimus. Hæ variæ sunt. Non
 facienda mala, ut eveniant bona; conseqüenter
 nec promovenda, probanda, laudanda. Utilitates quæ
 ex stultitia aliqua redundant, forsitan alio etiam mo-
 do quodam, obtineri poterunt. Multa sunt, quæ ma-
 gna adhibita attentione multisque curis, usum qui-
 dem aliquem præstant, sed & ubi opera temporeque
 melius collocatis, dimidia laboris atque molestiarum
 parte, duplo majus lucrum potuisset aliter parari. Si
 immodicus fervor subinde boni quid produxit, hoc ta-
 men bonum forte sine quoque eo, modum observando de-
 bitum, assequi valuissemus. Exigua vel externe tan-
 tum insignis visa utilitas, cum majori, quod intus la-
 tet profundiusque radices egit, damno comparanda
 non est. Omne quod hic superabundat, id illic neces-
 sario deficit. Si damna, si abusus evitare omnino est
 impossibile, si nova quam antiqua stultitia haud me-
 lior, atque vicissim, tum vero modo solum ratione-
 que agendi novis, nihil lucramur, (quibus & ipsis
 præterea propriæ & peculiares molestiaz semper sunt
 unitæ) nihilque in mutatione, de quo gloriemur, ha-
 bemus. Aliiquid posteritatis ergo facere tenemur, &
 hæc rursus gratum nobis animum exhibere: Nec ta-
 men unice liberorum suorum gratia parentes vivunt,
 in primis, si se ipsos stultos faciendo, his sapientiam e-

mere debere quis diceret; cum etiam incertum sit, an satis prudentes olim evadant, qui lucrum ex damnis majorum capere queant. A. i. p. Has regulas & similes, qui sagaces perspicacesque inter homines sunt, contemnere solent, cum malos nos inveniunt, pejores adhuc tamen depingentes, nostrisque infirmitatibus ad sua pallienda vitia abutentes.

APHOR. XLI.

Facile ex Aph. XXXIX. intelligitur, optime sibi consultorum esse Eruditum, si totum illum vastissimum eruditionis campum pervagari haud instituat, sed quasdam tantum scientias imprimis sibi curandas eligat. Quo quidem haud prohibetur, in cæteris quoque modicos facere progressus, cum id non solum licitum, sed & utile atque necessarium sit. Talis enim scientiarum nexus est, tamque varii in vita humana casus solent accidere, ut ægre omnino certarum scientiarum notitia utiliter frui queamus, sine permultarum simul aliarum cognitione. Illorum itidem, qui peculiaribus tantummodo partibus eruditionis student, vana esset opera, nisi alii forent, qui, quæ hi separatim elaborarunt, postmodum conjungerent, quos igitur oportet in pluribus specialibus disciplinis haud perfunctorie esse versatos, ut rite quarumvis distingvere apteque componere argumenta possint. Sed hic bene opus est vires suas nosse & prudenter tentasse; rara prorsus inter mortales virtute. Quidam nimirum adeo de se ipsis nullas fovent ambitiones opiniones, ut desperabundi potius animoque dejecti sint; quorum tamen haud magnus est numerus. Alii tanta spe & confidentia, de eximia ad omnem rem aptitudine sua, maxima quævis præsumunt, ut nihil omnino, quod nimium sibi sublime sit, videant. Singulos jam Eruditorum recensere, quos ambitio polyhistoria seduxit, stultus hoc loco foret conatus; quippe quod

solum argumentum vastissima postularet volumina, Leibnitius, Newton & Wolffius ex recentioris ævi, quin antiquorum quoque complurium ætatum Philosophis, summi habentur Heroës: Quod de tantis vero loqui viris nos audeamus, id proprio neutquam ducet facimus, aut nostram de istis rebus judicandi peritiam venditamus, sed vulgarem solummodo sententiam sequimur & sagaciorum vestigia premissus. Wolffii cum neutrius forte priorum dotibus ingenium exæquandum est, & nihilominus inter rarissima connundendum: Multa statuisse multisque se rebus immiscuisse accusatur, quæ si reliquisset intacta, melius fecisset. Newton ubique in Eruditorum republica Divus salutatur, in Mathesi certe Physicaque auctoritatem ejus in dubium vocare, piaculum & crimine læsæ Majestatis pejus quid creditur, levissimaque poena, qua tanto se ausu miser quis dignum fecisse putaretur, ea quidem esset, ut ad nosocomium ex cerebro laborantibus curandis inserviens deferretur, ceu qui Abderitanæ plebis pectora habentibus accensendus tribusque insanabile Anticyris videretur capite gaudens. Newton hic tamen honores suos merito possidet, quamquam superstitionum uspiam cultum nec ipse sibi vindicaverit: Sive modestia ei sive prudentia suggesserint consilia sua, gloria haud est invidenda. Observatum est, atque inter alia in controversia quæ cum Leibnitio ei intercessit, excellentissimum equidem & singulare plane ingenium eum habuisse, sed in certis tantum scientiis: Quod apud neminem saniorum ei dedecori est, cum non ostentandi se aut litigandi pruritu limites suos initio transgressus fuerit. Num vero semper æque prudentem, parique in cæteris etiam laude se dignum præstiterit, alii judicent. Ex his conclu-

dendo, quæ nos quidem invenire potuimus, opinionem hic eligendi fundamentis, de nullo quam de Leibnitio potius statuere auderemus, quod diu desideratum illud *hominis universalis* tandem exemplum nobis ostendere valuisset. Ut jam de prærogativis ejus in arte conversandi, & hujus generis quibusdam, non dicamus, quoad scientias ingenium natus fuerat ad omnia, quæcunque aggredi sibi placeret, aptissimum, nullaque eruditionis pars erat, in qua insigniter non esset versatus: Rarissimo simul siebat judicii acumine, ut doctrina gaudens tam vasta, tam variarum rerum ideas haud unquam tamen confunderet. Ad summum meherele, aut nullus præter illum alius, ascendisset sapientiæ humanae cacumen, si lentius paululum festinare voluisset, commissisque sibi, supra quasi communem mortalium mensuram, donis, æque ac potuisset, prudenter uti. Nunc vero, cum omnibus istis tantis ejus tamque excellentibus ingenii dotibus, tota sua indigent arte panegyristæ, ad errores & nævos ipsius quamplurimos vel quodammodo depingendos gratis coloribus. Quid igitur naturali magis aut priori hinc fluere consequentia putabimus, quam ejusmodi supernaturalibus ingeniosis, qualia hic illicet Eruditorum quidam videri haberique cupiunt, nemoque pene est qui saltim revera esse non optaret, nobis, dum in hac mortalitate versamur, haud opus esse? ideoque sapienter omnino ordinem rerum constituisse DEum & Creatorem nostrum Optimum Maximum; quippe qui alioqui non sane oblitus fuisset, excellentioribus naturam humanam dotibus ornare, quam quibus hodieque gaudere eandem observamus, si videlicet necessarium id perspexisset. Ergo cum "non omnia possimus omnes," sollicite cavendum, ne "arcum intensio frangat." (Cfr. sis quoque Aph.